

蘅夢詞二卷

浮眉

樓詞

二卷

懺餘綺語二卷

懺餘詞一卷



靈芬館詞

秀水沈景脩書眉



靈

光緒五年己卯
八月娛園開鐔

詞

懺餘綺語二卷

樓詞一卷

蘅夢詞二卷
浮眉一卷
懺餘詞一卷

余少喜爲側豔之辭以花閒爲宗然未暇工也中年以往憂
患尠懼則益討沿詞家之源流藉以陶寫阮塞寄託清微遂
有會于南宋諸家之旨爲之稍多其於此事不可謂不涉其
籓籬者已春鳥之啾啾秋蟲之流喝自人世之觀似無足以
說耳目者而蟲鳥之懷亦自其曾臆閒出未易輕棄也爰鈔
丙辰以前爲蘅夢詞丙辰迄今曰浮眉樓詞各二卷序而存
之自此以往息心學道以治幽憂之疾其無作可也嘉慶八
年癸亥頤伽居士郭麐敘

序

靈芬館詞總目

蘅夢詞

二卷

浮眉樓詞

二卷

馱餘綺語

二卷

爨餘詞

一卷

靈芬館詞總目

一

爨餘詞

一卷

浮眉樓詞

二卷

蘅夢詞

二卷

靈芬館詞總目

一卷

靈芬館主三十七歲小像



其目無人其心無我與世周旋謂狂
也可規模背時文亦宜然不趨利祿
而路遂為他人所先至其鉢心揣胃
咀官舍高穿穴險因窮極豪世
與時賢而相較似有一日之長

靈芬館主人命其弟鳳作并書

序

昔楓江漁父爲詞苑叢談一書余覽之而惑焉夫流品別則
文體衰摘句圖而詩學蔽花庵淫縉爭價一字之奇草堂嘯
殺矜惜片言之巧乖道繆典鮮能通圓是以香卿騫翻于津
門邦彥厲響于照碧詞至北宋而一變石帚玉田理定而摛
藻梅谿竹山情密而引辭詞至南宋而又一變若夫吹律風
騷調鐘韶濩寫纏緜于香草寄哀豔于紅牙則又遙原溶波
酌而不竭婁斤般墨高下在心吾友郭子頌伽少習倚聲長
嫺詩教走馬礮碯塞上沽酒烏丸城邊回腸盪氣搖曳情靈
旣而端憂多暇襟以變徵蓋蓄隱而意愉實懷愁而慕思也
頌伽本吳產年來僑寓魏塘魏塘爲昔賢歌觴之地醋坊橋
畔腸斷東山水磨頭前情緣白石近乃取所爲蘅夢浮眉兩
詞乘而行之余讀之旣作而靳之曰東澤綺語家世番陽草
窗笛譜淵源歷下鳩以翦而語慧杏必嫁而實繁豈薄虹亭
而心折小長蘆釣師耶頌伽笑而不答遂書之以弁其端錢
唐友弟陳鴻壽

序

一

昔賦詩成文...

重刻靈芬館詞序

國朝詞人鱗萃羽接近三百載傳數十家諸餘述造亦云夥矣仁和許丈邁孫先生少習倚聲夙多藏本寄驩騷雅導原於黃華謝濫激訂選雋於白紵付鈔黃手蠶頭刻紙之書點拍檀牙鴨嘴吳船之曲獨於頻伽詞三種癖好之素若有冥契焉孫晟之師島佛畫像壁閒羅威之暗江東借名集內然而棗梨煨燼劫灰且寒縑帙畸零名山無副將使清平三調遽絕龜年之傳摩詰五言僅有何戡之誦茲可吁也不其惜歟先生驅螽留仙握蠅詭瑤獨緝細襲重付琬鐫欲取汁一嚮而餉諸友朋似被裘千狐而被之來哲諸家丛薈頗遜於花閒萬口能誇庶聞於井上嗟乎論衡入吳中郎讀而始顯元經在蜀平子測其再興傳書之難自昔同慨矧夫聲律小

序

一

道崎窮所爲託迹既卑知音益渺先生斯舉亦可謂因緣微尚契會古權振靈響於既沈嘘潛燿於將滅者矣先生曩者自署靈芬私淑弟子其所爲煮夢詞力排纖仄獨造清微靡不接軫芳塗同源瑤峽儻編合集如交珊玉之柯獨抱遺書乃顯葫蘆之本若夫昔之綴緝非出一時今之編排仍依舊第則黃洲老去旣成癸辛之書夢窗續編始有丙丁之集曼翁序述未及其全爾預幸睹成書猥承授簡號三中於子野壘無得意之詞楸百影爲東坡定有善歌之士斯則元晏舊序久論價於鴻都丁廩小文終負慚於鳧續者也光緒己卯九月旣望錢唐張預

重刻靈芬館詞序

蘅夢詞卷一

吳江郭慶祥伯著
仁和許增邁孫刊

風蝶令

砒入尖風響，鑿留短燄紅。一衾幽夢斷孤鴻。正是可憐時候，可憐儂。鏡約眉痕外，琴聲鬢影中。王昌不合住牆東。贏得傷春傷別恨，重重。

一翦梅

莫愁生小鬱金堂。鬢點飛黃。機織流黃。曼聲一曲轉清商。塵繞歌梁，花顫釵梁。洞房對雷頓書倉。一丈紅蕖，只隔紅牆。題成錦字，少人將。月自迴廊，人自迴腸。

菩薩蠻

蘅夢詞卷一

垂簾柳放雙金蒜。卷簾腕露雙金釧。細雨溼芭蕉。綠窗人寂寥。好從簾外走。湘影橫波溜。珠子護雙鴉。兩鬟抹麗花。

又

花幡不禁封嫩惱。碧紗窗裏春寒峭。雛燕落風前。嗔人不卷簾。鬪青南陌路。又把佳期誤。寒食杏花天。魂銷似去年。

賣花聲

深院鎖葳蕤。青鳥飛遲。閒將寸紙寫相思。小研墨香銅雀瓦。自畫烏絲。窗扇耀琉璃。月影迷離。也曾刻燭倚新詞。到得海棠新月上，便憶當時。

天仙子

小亭開宴梨花白。釵痕衫影湘屏隔。眾中欲避暗中來。仍小立。眼波瞥有人。見了紅雙頰。

一痕沙

落了梨花香雪過了荒村寒食負了去年期可憐伊 三月
已將三十記得去年今日今日是何時沒人知

菩薩蠻

寒夜

熏鑪灘鷓鴣寒無力清冰一片紅氈溼抱影就鏡眠雁聲寒一
天 霜華催曉角殘夢如煙薄莫道夢無憑夢兒還不咸

如夢令

漏水沉沉欲凍煙鑲玉樓雙鳳喚起小窗前窗外花枝搖動
休送休送今夜月寒霜重

疏簾澹月

寒月

蘅夢詞卷一

二

澄澄寒水漸浸入玉階冷清清地一個愁人獨自披衣夜起
小窗瘦影初斜矣怕難禁清寒如此梅花閣下蘆花簾外那
人睡未 此際遣懷無計況殘碓隣遂一時俱至獨立閉庭
惹起幾番心事孤鴻弔影霜天裏驀回頭月明千里今宵酒
醒一聲霜角清愁而已

釵頭鳳

簷鐵

屏山曲春眠足了冬驚起鴛鴦宿重簾靜重闌凭月明如水
梨花無影認認認 珍珠箔秋千索琤琤攪碎簷前玉呼人
問春來信鸚哥報道東風猶緊聽聽聽

荷葉杯

兩扇綠窗開了含笑獨憑闌羅衫花影兩相照知道月華寒

好事近

深院斷無人，拆徧秋千紅索。一桁畫簾開處，在曉涼池閣。
潛行行過曲闌干，往事正思著。猶認墮釵聲響，卻梧桐葉落。
難得一春常是雨，東皇也解留人住。芻尼何苦報新晴，簾卷處橫波語。回身且過秋千去。

天仙子

憶少年

寄徐江庵

黃花開了，兔花寒峭，霜華滿地酒徒已星散。況酒邊羅髻，
燕去鴻歸，人病矣也無人會。此時意蘆花徧，煙水作雪花飛起。

一痕沙

蘅夢詞卷一

夢

三

雖是無憑，無據還勝不情，不緒萬一得相尋，且兜衾。尋到
年時庭院，又被何人驚斷，鼠觸小屏風也欺儂。

卜算子

簾外雨如煙，柳外花如雪。已是慊慊薄病天，又作清明節。
昔日結如心，今日心如結。心裏重重疊疊愁，裏山重疊。

鷓鴣天

蚪箭丁丁有所思，纔眠重起故遲遲。燈花如夢人先嫺，霜片
無聲衣自知。寒料峭，病支離。闌簾明月一絲絲。小鬟不敢
前頭說，又到闌干立盡時。

洞仙歌

贈女冠四九

綠瓊軸上識雲英仙眷六六屏風障三面正黃花開處青豆
房深重九會算了又還重算 粧臺試偷覷寒玉簪煙十八
雙鬢直千萬真個肯移家畫舸五湖占七十二峰一半奈三
度巫山夢都迷央充使魚鱗寄書逢苑段成式詩三十
六鱗充使時

南樓令

憶箭

銀漢一邊流珊瑚四寸鉤小紅簾卷起清幽貪鞞嬌鬟風露
下忘溜了玉搔頭 纖手弄輕柔新聲曲譜修笑檀郎欲顧
無由腸斷纖纖今夜月照兩地兩人愁

珍珠簾

憶竹簾

愛他橫影參差滿無人處月地雲堦輕轉非雨復非煙心字

荷夢詞卷一

四

香一翦挂起瀟湘天接水隔眇眇橫波不斷人懶任歸來雙
燕也還不平管 絕憶晚涼池閣那人剛梳洗黛眉猶淺自
起軸駝鉤露一雙金釧還似曲闌干畔見夢多少雨絲風片
人遠想夜來皓月也還不平卷

鳳凰臺上憶吹簫

香獸銷煙雲魚卷彩空庭簾影深深正高窗不掩驚起樓禽
窗外露華如雨休小立滴透羅襟最好是新涼今夜教疊香
衾 悵悵者遭瘦也多病最文園負了琴心記碧梧桐院紅
滿花陰冰骨玉肌無汗天如水人墮瑤簪年時事沉吟至今
今又沉吟

醉太平

風淒露清參斜斗橫兔華如水回縈到簾紋自平 三更四

更無情有情枕函殘夢初醒有金釵墜聲

清平樂

水文廣簾傍墮雙釵燕花映枕函紅兩靨羞被小鬟看見
何人驚起蘅蕪起來手弄荷珠得伴片時香夢翻教人羨青
奴

醉太平

竹風韻長荷風氣香待他月上迴廊再圍碁不妨 竹風一
窗荷風半牀憑肩笑問檀郎是今涼昨涼

一落索

荷葉

三十六陂煙霧迷藏無數采蓮人到不驚他是睡著鴛鴦處
等得紅衣服去無風自舞西窗窗外有芭蕉似商略今宵

荷夢詞卷一

五

雨

如夢令

行過重重樓柱隨意低低窗戶一樹碧梧桐垂在小簾深處
小簾深處簾外數聲殘雨

清平樂

流鶯聲巧春事江南早心上愁如池上草不覺不知生了
江南芳草先生江南行客先行歲歲年年遊子風風雨雨清
明

好事近

一月不曾晴早晚鶉鴉啼急剛是絲衣換了卻輕寒惻惻
年年羈旅送生涯遮莫又寒食試向雨聲多處問杏花消息

蝶戀花

垂絲海棠

山桃落盡醅醱早積雨初晴紅入紗窗曉睡起美人潮暈小
笑渠一樣鬟欹倒病酒心情寒料峭醒眼看人醉眼看花
好人不若芋花定笑試然絳蠟花間照

念奴嬌

晝長人情正深深一桁棗花齊揭甲煎沈香手自熨心字欲
燒先結十里春風一聲杜宇三月楊枝雪酒邊人遠酒邊事
向誰說誰念作客天涯寒鴉茸帽又落花時節金盞牀頭
酒價少卻恨莫寒猶力燕子飛來斜陽何限江上山重疊蠟
花情重夜來遞淚如昔

風蝶令

疏雨重簾卷生香斗帳熏夜涼長簟易相親只有水精曾枕

薔夢詞卷一

六

墮釵人籠鳥多羈思驚猿易感羣當年聽雨未銷魂贏得
而今各自夜深聞

浣溪沙

兩葉眉兒晚黛低兩頭月子畫樓西兩重心字小蘋衣
永夜雙星人獨立半年小別夢單棲斷無人處學含啼

點絳脣

用夢窗韻

雀舫青簾放船最好葑門路滿花香處涼露多如雨
既是吳儂只合吳城住君休誤玉環人去錦瑟華年暮

鳳凰臺上憶吹簫

題姚棲霞女史翦愁吟同朱鐵門作

銀燭筵前鐵簫庵裏酒闌客正繇憂出一編相示絲格銀鈎

眞是閒愁萬斛問恁地翦得卿愁分明是芳心灰盡紅淚還流
仙遊一聲鶴唳恐玉宇高寒露冷風秋悵不逢簫史空

怨秦樓便是殘香賸粉人間世不合長留宵深也吹寒角聲

又滿城頭

樓震游仙詩卻笑樓頭秦弄玉肯攜蕭史共乘鸞臨終詩冷夢未成鏡自滅疏鐘畫角一聲聲

菩薩蠻

花朝飲袁湘湄秋水池堂

薄寒細雨城南陌去年今日花朝節楊柳一絲絲河橋人去時
去年春在否今日花朝酒楊柳又依依河橋未別離

惜分釵

芙蓉袂青驄馬明蟬秀鬢人如畫傍香奩頓書籤樓上新眉
樓外新蟾纖纖綵鸞跨蘭香姝重來人到重樓下淚痕添
粉痕漸滿院楊花一桁疏簾慳慳

蘅夢詞卷一

七

憶蘿月

雨斜風細沈坐春寒裏一樹小梅花謝矣又是落鏡天氣
閒中獨自支頤暗中苦自尋思驀地有人看見低頭兜上鞋
兒

酷相思

乍是新正春未透早門外絲絲柳柰脈脈深情渾未逗人見
也回頭走僕見也回頭走有分逡巡雙勸酒小語更闌後
問別後蘭橈何日又人去也書來否書到也人來否

菩薩蠻

自題小影

銀河隔得紅牆住生綃留得紅顏駐仰首問常娥年年秋柰
何關千十二曲弱水三千綠猷自莫思量思量人斷腸

蝶戀花

花宮小院得斷縑於壁月鬢風鬢髮未損上書
人問 愛月夜眠遲某月日清環寫字跡妍媚可念爰作
詞以紀之

青豆房中花似露圖畫春風零落蝸涎蛙不是深閨留絹素
調鉛肯把芳名注 相逢亦有前緣否花不知名也合殷勤
護鵲尾金鑪香一炷夜深蘅夢樓深處

沁園春

唾

金屋阿嬌霧沫九天明珠颺風記越梅如豆華池先嚙石華
成紺廣袖偏工慢臉輕偎香痕偶著欲拭還愁惱個儂幽懼
遂又何須銀液始鎮心忪 私書寫就恩恩愛猶帶脂香著

蘅夢詞卷一

八

意封正瓊簫吹徹印留一縷玉格餘潤飲過三鍾巧溼文窗
戲塗粉蝶易褪櫻桃小注紅重簾下惹檀郎驚認笑是殘絨

金縷曲

鴛鴦湖秋感

曉起西風冷挂輕帆孩兒橋下謝孃門徑落日鴛鴦湖上過
衰柳條條牽恨問何不當初折盡岸草汀蒲都不見但蘆花
蕭瑟風淒緊橫一葉釣魚艇 春人只把春愁省誰管他荒
荒落照疎疏雁影去是春初來秋九兩衷啼痕重印只湖水
清流如鏡鏡裏粧樓金翠換況樓中桂葉明蟬鬢除漚鷺沒
人問

清平樂

小桃如綺命短東風裏薄薄輕寒人半臂且把簾兒垂地

春人如許年華春閨幾幅窗紗又是一番寒食不知多少飛花

賣花聲

十二玉闌干六曲屏山留春不住送春還昨夜梨花今夜雨
多分闌珊春夢太無端到好先殘袂衣初換又添縣只是
別來珍重意不爲春寒

壽樓春

看簾紋波橫又日華花影移上簾旌正是連宵絲雨曉來新
晴誰喚我柔魂驚是隔窗春風流罵柰繡被香溫羅幃寒峭
推道嬌春醒當時在芙蓉城有芳年小小低語卿卿無柰
朝雲如夢落花無聲容易別難爲情只淚痕依然分明問碧
海青天銀河有誰吹玉笙

蘅夢詞卷一

九

高陽臺

過流虹橋感葉元禮事

兩岸緋桃一灣淥水斷橋猶說流虹舊事無端牽人舊恨重
重多情只合相思死更何須眉語會通太匆匆春盡飛花淚
盡啼紅高樓當日知何處想房櫳宛轉窗戶玲瓏天遠瑤
姬彩雲去也無蹤人間我亦傷心史似流鶯只哭春風小橋
東新月天邊依舊如弓

卜算子

題王朗亭半舫齋

盞殼短窗兒斑竹疏簾子絕似春江桃葉舟細雨溟濛裏
安把木蘭橈便好浮家去少個低低小舵樓少個人雙髻

柳梢青

被冷香溫自攜銀燭掩上重門隔院啼雅上簾斜月又是黃昏
羅襟別淚猶存有一半香痕酒痕心字叢殘酒人零落
直得銷魂

祝英臺近

和龍劍庵韻

小屏山雙畫燭寂寞舊時事過盡春光尺素未曾寄試看樓
外垂楊飛花飛絮憔悴甚樹猶如此輕相棄惟有六扇樓
窗會同那人倚煙鎖重樓人更可知矣料應一點寒鐙一鉤
斜月今夜裏照伊無睡

玉樓春

重重簾幙誰家院東去伯勞西去燕卻教相別一相逢只許
相思不相見青絲絡馬香羅薦別後音書和夢斷黃昏怪
畝不勝寒零落梨花如雪片

蘅夢詞卷一

十

金縷曲

題史赤霞翡翠巢詞卽用集中論宋詞韻

戲馬臺邊柳送征人滿城風雨歸來重九除卻新詞無長物
贏得千金百帚問辛柳一錢直不尙有梅谿眞同調也十年
空費屠龍手長只是征鞍驟閒滋九畹峯三秀度新腔偷
聲入破巖分細剖天與豔情無豔福那得笛牀歌袖但伴我
秋鐙如豆先向朋箋書左券到相逢一笑休開口歌一闋一
杯酒

清平樂

秦淮感舊

露臺水榭天與初涼夜霧鬢風鬟人去也面面疎簾都下

去來苦恨匆匆相思那得相逢變盡舊時楊柳秦淮一夜秋風

如夢令

衣上微霜浙浙門外輕寒側側和淚出門時又是月高時節
小立小立聽得一聲將息

蝶戀花

鹿城半匱園有女郎以簪畫壁作一絕云月亙纖
纖扶婢來梨花如雪點蒼苔紅蠶辛苦愁絲盡誰
把同功蠶擘開後書一吡字意欲題名而未及者
作詞其後亦無使其無傳焉

青粉牆頭苔沒砌誰拔金釵畫破春痕細羅襪纖纖來月底
有心人識相思字天遠彩雲飛去矣卿自何來有個芳名

蘅夢詞卷一

十一

未料得欲題還又止當時直恁懣懣地

喝火令

題許校書清露瑤臺圖

鶴背吹笙下橋頭步履通雲鬢霧鬢太玲瓏只恐五銖衣薄
曉起不禁風好夢渾難覓重遊未易逢鬱金堂北畫樓東
記得樓頭一樹碧梧桐記得碧梧桐外兩度月如弓

鵲橋仙

杏花風裏梧桐鄉外七尺燕梢齊播玉人春病幾多時直似
此鬟偏髻妥員水輕響寶釵暗墜知是曉來梳裏有緣也
算比肩人只隔箇船兒同坐

清平樂

河橋楊柳待我開颿久三疊歌聲將進酒忘了明朝分手

書窗六幅輕紗東風一樹梨花只有去年春到去年人到天
涯

鎖窗寒

用片玉詞韻

蛛網黏花蝸涎篆榻那人窗戶輕紗六幅閉了一春風雨記
當時欲行未行夜闌呢呢聞私語又誰知此度殘衫茸帽重
來羈旅薄莫繫船處正楊柳腰身女兒十五三眠三起送
盡燕儔鷺侶問別來如許長條飄零似我還記不傍東偏一
樹梨花見舊時尊俎

清平樂

秦淮後感舊

燕兒傳語人在西湖住蘇小墳前芳草路日日輕寒輕雨

蘅夢詞卷一

三

秦淮望斷香車誰知又到天涯總是東風無定如何只怨飛
花

夢芙蓉

題延嘯厓姬人小照

秋江江上樹向芳塘移種最深深處竝蒂連枝雙影照秋水
石家渾漫與仙城元有人主六曲闌干是屨廊香徑非是澆
紗路誰滴湘江清露殺粉調鉛寫出名花譜紅橋流水初
過夜來雨畫屏深幾許想應簾幙無數珍重輕綃有小唇秀
靨當面看題句

清平樂

紅袖添香夜讀書圖

丁丁蓮漏篆縷銷香獸心字漸微蟲蠟瘦催得冬郎詩就

人閒良夜迢迢，勸郎書卷，須拋。只有一枝紅燭，休教負了春宵。

暗香

水僊花

娟娟楚楚，正春人小，極芳心初吐。斐几紙窗，不受人間好風露。除是梅兄，磬弟，還配得。沁人漢女，又那得如此清寒。明媚又如許。庭宇最深處，有十二畫屏，曲曲低護。舊時記取，到此花開，送人去。花信今年太晚，風又雨，輕寒重，作過了落銜。節候有人，怨不

蘅夢詞卷一終

蘅夢詞卷一

蘅夢詞卷二

吳江郭譽祥伯箸

仁和許增邁孫刊

清平樂

題金陵女子柳花詞卷

紅絲小研小試齊紈扇第一休嫌才地輒人與柳枝同倦

謝家最擅才華如何只詠楊花怪底兒家夫婿年年漂泊天

涯

浣溪沙

馬湘蘭蘭竹便面

澹墨傾欹落扇頭紅蘭葉葉竹脩脩紅粧季布儘風流 今

日誰憐王伯毅後來尚有顧眉樓為伊惆悵寫銀鈎

蘅夢詞卷二

南樓令

盧竹圃小影

秋鬢也蕭蕭秋庭夜寂寥異鄉秋景最無慘誰畫可憐人獨

自又畫出可憐宵何處作生朝揚州紅板橋有當年公子

風標惜少吹簫人並坐判我見又魂銷

蝶戀花

高竹筠小影

黃昏不下葳蕤鎖簾幙中間沈水微微火銀帛傍人人傍我

迢迢良夜銷磨過聽我狂言君計左有個人兒切莫攤書

坐明月漸西花漸安鐙殘香炮如何可

菩薩蠻

窗外秋蟲飛不去窗前秋色留將住庭院是誰家滿庭洗手

花 露光團作雨總是秋深處可惜玉簪開沒人斜戴來

滿江紅

晚泊秦郵默禱露筋祠下倘乞順風當以平韻滿
江紅爲壽如白石生故事遲明解纜旗脚已轉敬

酬一闕

十度秦郵曾未展叢祠瓣香剛又是水楊柳下輕船繫將盡
日靈風人不見開門白水木無郎是誰家燈火送迎神歌九
章 東方動驚曙光篙師起理檝忙見相風烏轉將飛未翔
去得順風來順水聰明元是舊心腸想冷然一路響珊珊明
月瑞

清平樂

春陰如霧又著重簾護夢到當時郎別處隱隱數聲柔艣

荷夢詞卷二

二

起來滿院斜陽倚闌一倍悵悵走撲一雙蝴蝶知他直甚心
腸

點絳脣

月笛女史爲作草蟲扇頭

殺粉調鉛病中寫出秋來意一絲風裏紅蓼花扶起 草草
花花添個蟲蟲媚天如水露華珠綴又溼當風袂

滿江紅

呈座客用湘湄風雨對牀圖韻

雪白鏗紅當酒半忽跳而起不痛飲有如此酒有如此水留
客酒難頻夜滿分湖水送離人幾算人生不合作同心同鄉
里 浮蠓漾紅花喜朋與舊兄和弟便沈沈春酌不能已已
病起尙存兒女態醉來稍有英雄氣得故人滿眼酒盈尊吾

狂矣

菩薩蠻

輕陰漠漠昏如霧入春便有廉纖雨遮莫試鐙前雪花飛一天
疎梅三四點莫是春猶淺走近小闌干問他寒不寒

買陂塘

題黃小松秋影庵圖用江玉屏韻

問詞人馬塍遺跡可餘花木深秀小紅嫁後青春老賸有蕭
疎秋柳宮一晦讓黃九風流開拓蜂房牖歸田若後怕老去
悲秋重來照影水面似人皺武林路約賃梁鴻杵日野航
三兩能受他時定遂移家願莫遣白雲封守都似舊只鴨腳
黃邊添縛香茅否來居客右當集古編成秋聲賦就斗酒也
須有

蘅夢詞卷二

三

卜算子

寒食出遊

一隻小瓜皮兩岸垂楊樹指點停船宛轉橋曲曲彎彎處
定不留春住那不愁春去過了今年三月三又幾點清明雨

醜奴兒令

五三六點微微雨開了梨花謝了梅花纔拓濛濛一面紗
玉堦獨立思閒事花在鄰家吹落儂家今日東風較大些

月華清

詠丁香花

碎剪鮫綃輕含雞舌鯨英枝綴如霰百結芳心慣向春風凌
亂算江南花信更番誰似此香生色淺幽怨共芭蕉卷處一
齊斜颭可惜雨香雲澹少月影半窗照伊清婉丁字簾前

有個丁嬈淒斷想春衫繡上重重怕寬了舊時腰襖簾卷又
惺忪碎影小庭篩滿

行香子

薄遊袁江同人爲設伊蒲供於青龍菴葦主爲其
女孫名霞者乞字於余呼令出見曇花一見妙香
四聞迦陵其音舍利始弗未足方斯相好也爰舉
明如爲贈并貽以詞

青豆房邊紅豆庭前仙人子生小嬋娟問伊名字合在瑤天
是花非花霧非霧亦非煙綺樣芳年佩結飛仙佛頭青雲
葉披肩似聞我佛爲說因緣要十年心雙鴉髻五湖船

菩薩蠻

水田百衲雲如葉薄羅翦出重重疊生小不知愁眼波先自
蘅夢詞卷二

四

秋雨過雲不定小語防人聽燒了夜香麼昨宵涼露多

醉太平

葉月仙夫人桃花扇面

深紅一林淺紅一簪枝枝淺淺深深是春風小心寒絮細
斟清溪獨吟憑他如墨春陰有前時路尋

十二時

湘湄爲周校書畫桐屋夜寒扇面同賦一詞

秋宵燈火秋衾魂夢秋嬈庭院旁人那知得說秋風團扇
流水小橋清且淺比銀河算來還遠思量一年事只張星會

見調張校
書繡

對公齊又

同湘湄夜坐

疎窗四面秋霖一陣愁人兩個天涯已腸斷况離情無那
桐葉初肥蕉葉大說淒涼也無人和今宵尙相對怕來宵燈
火

菩薩蠻

湘湄索詞繡帕爲賦

鴛黃淺色揉蘭膩唾尖絨舌愁滋味破體作游絲墨花如折
枝當年春雨句和淚歸何處但解說歸來杏花春自開

水龍吟

詠霞用張蛻巖賦倩雲詞韻

生來不學行雲依稀似散依然聚分明瞥見赤城初起又還
飛去野鴛孤時澄江靜處天寒日暮望高城不見丹樓漸隱
又何況彩鷺駐說與仙人子道要留他罡風相護不知天
上者般顏色曾經幾度秀便思餐散還成綺非花非霧怕朝
來一縷出門難覓作廉纖雨

蘅夢詞卷二

五

齊天樂

秋莊秋荷

翠匳一鏡平如拭數枝點綴秋意衣褪輕紅佩翻重碧又是
一番梳洗涼蟾初起怕焰見盈盈玉壺清淚風急雲輕露華
漸重瀉鉛水鬧紅舊事誰省有斜陽一舸雲葉雙鬢螢火
光寒蜻蜓翼斷催老鴛鴦身世煙波無際且凍釀頻傾曲甌
峭倚奇語閒澗黍厭厭宿醉

河傳

春早將曉夢驚落月殷勤早罵綠窗曙光愁欲明輕輕枕
函釵一聲一段綠雲扶未起香不已轉側隨郎管莫投懷

且兜鞵慵來斷紅紅上題

南樓令

題春人縮髻圖

春夢暈潮霞春風褪臂紗緩春愁盤好雙雅溜了金釵佯不
省問開否碧桃花鏡檻者般斜新妝略似他只脩眉人在
天涯尙著薄羅衫一件簾又卷太寒些

菩薩蠻

一燈紅貼墮璣地諸郎蠟鳳中堂戲獨自下堵來玉梅開未
開誰移紅燭照聽見人雙笑直得小迴身影兒如一人

又

新桐院落惜惜地斷無人到陰天氣手切綵沈瓜一重方空
紗藕花開一半紅影搖人面只解遶闌行隔簾聞笑聲

蘅夢詞卷二

六

惜分釵

有見

雙枝槩分流響一江春水如天上最風流最嬌柔貪看鴛鴦
忘了回頭羞羞花惆悵人模樣个儂未必全無恙說前游
莫閑愁山外青山樓外高樓休休

菩薩蠻

金蟾齧鎖金梯滑一重門外銀河濶猶恐未魂銷夜深聞剪
刀朝來粧未就見了伴回首回首莫嫣然鏡中雙靨圓

又

夜深一口紅霞膩唾尖甜舌殘絨細不肖繡鴛鴦枝枝秋海
棠吳絲裝袖復卻繡鴛鴦宿荷葉小於錢要郎知可憐

又

清霜微白黃花瓦
全家上家逢秋社
特地教人知紗窗鏡上
時
蘭娘智瓊姊略識人問事
送與蹙羅裳一雙金鳳凰

又

五湖船小才如葉
團圞竝坐翻歌側愁水
又愁風袖邊香唾
紅
如何還倚醉壓著儂
君睡當面且由他阿孃
顏色和

又

嫩晴天氣春陽動
鬢喉微澀歌珠痛
蹙損小眉痕羹湯未入
脣
刀圭分一裹莫點吳鹽
可只說是梅花賺伊肯嘸他

又

獨兒撼得人人起
枕函一片朝雲墜
慢臉笑投懷夜來難出
來
迷藏何處捉人語
闌干角莫道沒人知
被痕紅半池

又

舊夢詞卷二

七

杜蘭四歲來人世
飛瓊不肯留名字
略說與排行雪花蔭
荷
近來海水淺
尙有樓三面煙雨
莫登樓樓頭無限愁

生查子

金雁畫橋南
碧玉人家小
種得碧桃花
昨夜先開了
不恨
不知愁
只恨無人曉
念得阿郎詩
句句能顛倒

南鄉子

折枝蕙草

庭院轉光風
不省簾前開幾叢
只向謝娘頭上見
一翦攏鬢
玉釵顏色淺

梅花引

虎山尋夢圖爲陳竹士作

峭如螺水如羅
曾共鷺鴻照影過
步凌波步凌波
只問梅花

別來相見麼 此中或有魂來去 茫茫不辨梨雲路 落花多
落花多 一路荒山月明寒奈何

洞仙歌

有紀

華燈弄影照華堂 如水羅襪雙鉤見 纖麗傍中門 低處半曳
霓裳 聽佩響 又轉曲屏風底 星橋元不隔 一寸銀河眼底
千金露 深意便算比肩人 香逼春衣 渾未省 眾中迴避也 忒
倚嬌 愁阿娘憐想全不周防 个儂年紀

菩薩蠻

雲堦月地春寒淺 迴廊曲徑穿行徧 微雨乍晴時 小桃三兩
枝 東風吹不定 小颺雲鬢影 掩斂越羅裳 禁他特地香

又

蘅夢詞卷二

八

嬉春女伴嫌春早 乍晴時候游人少 喜未圻輕繇 晚風一陣
寒 玉梅花下立 點得春衣白 小妹笑人癡 滿身蝴蝶兒

清平樂

小山窠石徑窄 衣香接穿過 長廊無氣力 坐定雲鬢微側
重來不走長廊 花間難捉迷藏 鶯地一雙蝴蝶 等閒飛上羅
裳

河傳

香徑人影 鶯來前 桃葉桃根 竝肩秋波 欲流低髻 偏仙仙 一
雙人可憐 窠地 鶉黃帶色 淺尋不見 小立花枝 顛晚來風
忒匆匆 行踪落花埋一重

百字令

幢幢燈影是曾經 照過幾番元夜 火樹銀花 剛一瞥 已是暗

風飄地翦紙心情鬧蛾身世過了今生也人間天上柳梢蘭
月初挂 難忘中酒時光燒燈院落有個人如畫衣上峭寒
簾外雪小坐早梅花下碧海星沈紅心草宿說甚淒涼話春
衫依舊淚痕重疊盈把

點絳脣

酒綠燈紅座中有个飛瓊許弦將手語幾陣梨花雨 長定
相逢還解相思否臨當去橫波一注也直三年住

齊天樂

金銀花

亂紅都逐流波卷庭院翠陰成幄鹿眼籬方鷺絲藤細低眉
曉涼池閣薔薇花落做夏首心情春餘題目裊裊柔條又牽
香夢到簾角 朝來風露猶重有人初睡起羅袖寒薄葉底
心知花頭眼見小滴冷香疎萼熟嫌魚玉又滿把蒸成露珠
如粟醜點雲龍竹鑪湯正熟

舊夢詞卷二

九

賣花聲

題畫扇

小鳳颺釵梁皓腕先攘是誰驚起曉來粧問取木芙蓉上露
何日成霜 舊夢莫思量滿鏡眉長水精簾下有微涼喚作
春人渾不似莫是秋娘

乳燕飛

和湘湄作寄伯生

誰賦銷魂句向天涯吹花嚼蕊傷風憊雨我是江南買梅子
莫問閒愁幾許空記得別離情緒人自漂零天不管但昏昏
薄霧愔愔絮肯爲我寄愁去 征車同出春明路有當時風

懷酒膽未諳別苦細馬馱來人二八醉裏憑肩伍語笑判取
千金贖汝一別故人難見面況鶯鶯燕燕知何處只此意向
誰訴

洞仙歌

爲吳珊瑚夫人題扇

繡襦甲帳有當年珍偶跨虎重來事依舊向櫻桃湖上寫韻
軒開平視慣也爲洛神伍首 人間與天上何限佳人脩竹
蕭蕭倚寒袖福慧此應無螢火詩成定小試畫羅纖手問何
不當初畫乘鸞想霧鬢風鬟見時還又 夫人詠螢云月黑移
來星一點風高扶上
閣三層

高陽臺

鈴索判花遊絲胃絮送春淚滿輕綃不見春歸流波一夜迢

蘅夢詞卷二

十

迢明珠十斛何人手向章臺折取柔條可憐宵蠟照紅曉明
鏡紅潮 傳來語最魂銷自說天桃命短怕落花朝重轉春
鷺知他何處樓高三生杜牧關何事爲曾經掌拓纖腰好無
聊四月時光雨又瀟瀟

賣花聲

秋水淡盈盈秋雨初晴月華洗出太分明照見舊時人立處
曲曲圍屏 風露浩無聲衣薄涼生與誰人說此時情簾幙
幾重窗幾扇說也零星

菩薩蠻

北固題壁

青天欲放江流去青山欲截江流住儂也替江愁山山不斷
頭 片帆如鳥落江住儂船泊畢竟笑山孤能留儂住無

唐多令

題畫仕女

深院玉梅天春風錦瑟年似驚鴻留影翩然手擘擘濤戲一幅怕遺墨澹如煙一枕小遊仙三生小比肩有揚州舊夢誰圓問是夢中曾見麼笑已是十年前

疎影

題素娟錄事畫扇

春愁滿紙看微雲澹月夜寒如水記得前宵葉葉輕衫同在曲闌干匠素娥要鬥嬋娟影笑一樹海棠濃睡得知他畫作乘鸞直恁冷清清地料想閒宵弄筆怕紛紅駭綠無此幽致朱鳥窗前殺粉調鉛自滴方諸清淚懷中一墮三生夢又碧海青天無際能禁他幾徧團圞老卻畫中人矣

蘅夢詞卷二

七

漁父詞

有紀

四角紅羅窳地垂銀鉤不動篆煙微燈澹澹月絲絲笑問郎來是幾時

好事近

題何夢華西湖買春卷

何處好尋春春在段家橋側試看門前流水有桃花顏色鏡中照出四圍山眉黛一時碧笑指槳牙相趁盡鴛鴦灘鷓

百字令

書戴竹友綠花詞後

雁飛汾水只人間李嶠是真才子解作江南腸斷句一卷烏絲闌紙野艸花開池蓮粉墜宛轉能含思

集中野花白從君蓮二詞尤工

貫酒旗亭應有人記 最難俊侶如雲風懷如月更華年如綺同學少年皆匿笑春水干卿何事扇指聲微么弦調苦作者今無幾他時按曲花間更喚延已

謂馬生玉如

女冠子

贈雙脩庵女尼韻香一號清微

清宵更永微月度雲無影踰蒼苔試問三生事誰脩雙笑來
房深香似霧人澹韻如梅記取闌干外玉簪開

蘅夢詞卷二終

蘅夢詞卷二

十二

余自存蘅夢浮眉二集意不復更作而數年以來學道未深
幻情妄想投閒紛然加以友朋牽率多體物補題之作共得
如千首不忍棄去過而存之纖秀之呵固所不免休文之儼
竊或庶幾亦自恨結習之難除悔過之不勇也嘉慶丁卯長
至日鉛山舟中頻伽居士自序

序

至日鉛山舟中頻伽居士自序

至日鉛山舟中頻伽居士自序

至日鉛山舟中頻伽居士自序

至日鉛山舟中頻伽居士自序

至日鉛山舟中頻伽居士自序

浮眉樓詞卷一

吳江郭磨祥伯署

仁和許增邁孫刊

天香

花露

炊玉成煙揉春作水落紅滿地如掃百末香濃三宵夜冷無
數花魂招到仙人掌上遊鉛水銅槃多少空惹蠶王惆悵未
輸蜜脾風調謝娘理粧趁曉面初勻粉光融了試手擘牋
重盟薔薇尤好卻笑文園病渴似飲露秋蟬便能飽待鬪新
茶聽湯未老

附前調

候火安爐量沙布甌蒸成芳液盈匕涼沁荷笛冷淘槐葉

浮眉樓詞卷一

輸與山僧佳製餅馨分餉傾一滴便消殘醉卻笑辛勤蠶

釀祇供蜜殊留嗜試調井華新水面纔勻掃眉還未慣

共粉匳脂蓋上伊纖指向晚粧臺一餉又融入犀梳攏雙

髻夢醒餘香綠鬟猶膩

齊天樂

塔鈴

四禪天上天風小偶然吹墮仙響翠塔波高金銀鐺動雨歇
寶繩微漾雲思霞想在謾謾松閒星星鐘上驚起栖禽飛來
還向相輪傍三更歌管都罷只郎當九子似話惆悵步履
廊空吹簫客去自發人天高唱舊遊無恙認放鴿庭陰護花
窗網小立斜陽隔牆聞梵放

前調

尤維熊

人天籟寂煙霄暝千花法輪常轉九子齊鳴一鈴獨語錯
落聲如珠貫石壇花院有一陣松颺高低吹亂除是澄公
秀支劬禿認能辨空廊有客孤寄向鐙昏獨聽似近還
遠月下檐牙雨邊驛路無此惺忪悽婉粥魚茶板只面壁
僧枯闍根先斷一任出椒天風搖夜半

摸魚兒

盪湖船

一篷兒花天酒地消磨風月如許吳娃生長吳船上只共鴛
鴦爲侶船六柱從不識愁風愁水天涯路輕橈容與問兩寺
東西半塘前後商略泊何處江南好不在中流簫鼓牽人
好夢無數十年水驛風鏗夜負了畫船聽雨臨別語怕紙醉
金迷忘卻秋娘渡重來記取有澹澹窗紗疏疏簾影隱隱數

浮眉樓詞卷一

二

聲艣

前調

尤維熊

正江南蕩絲風軟波光七里吹皺移來花月青簾匝滿載
玉缸春酒繇華蘂將蠶殼窗兒徧換明珠繡停橈渡口認
斟酌橋頭紅闌低映幾樹水楊柳恰相對一點遙青橫
岫柁樓人更明秀蜀薑細搗吳鹽灑更倩調冰雪萬勞纖
手看送了舫船暗拓鞵尖瘦明鐙炮後纔緩櫂歸來高城
一角斜月下逆漏

水龍吟

吳歌

摩訶池上歌殘一聲何處悠揚起將連忽斷似無還有月明
風細月子彎彎花開緩緩一般情思算遂家不是漁家不是

問莫是劉三妹 子夜四時堪擬變新聲我儂歡喜扁舟夜
泊人家兩岸聽風聽水白葛單衣蒲葵小扇新涼天氣又前
溪柔艣嘔啞說是釣船歸矣

前調

尤維熊

五湖天水空濛一枝柔櫓衝煙破聲聲斷續三高祠下垂
虹亭左棹入前溪三三兩兩菱歌相和正員沙清淺鳧飛
拍拍笑脫下紅裙裹最是曉風殘月賸微花一星漁火
遙聞斷港纔從浦轉又穿橋過水國陰晴江鄉兒女儘伊
煩瑣怕驚他孤客篷窗夢醒又還重作

桂枝香

蕉扇

誰裁花骨怕新裂齊紈無此圓潔想見黃昏雨足綠天雲割

浮眉樓詞卷一

三

憐他不入人懷衷卻生成也無員闕紫蕉衫底白荷花下晚
風香辣 話昔日山塘土物同荷席湘筠一樣清絕七寶修
成不是舊時明月舊時舊事何人記有冷螢空堦明滅最難
忘處羅帷雙笑一鑿初殺

山塘賣扇以選葉爲工近皆
飾以金繡失當時之意矣

前調

尤維熊

裁雲滿把憶小院綠天密雨初灑誰仿謝家新製市頭論
價紅麝一抹剛遮映握春黃晚粧纔卸庭軒露坐乍停還
拂流螢將下 記女伴穿鍼閒話有花骨歛斜密字偷寫
便肯從人方便也休輕借

六月不借扇
吳中諺也

輕容不放秋蚊入

向舊幃深處低挂桃笙如水暫教閒卻嫩涼今夜

右武邱樂府五首結夏僧房端居無俚輒仿南宋人樂
府補題之製譜山中風物希同調者繼聲焉二娛尤君

首先見和其詞尤工用同著于篇小吳軒行館書

臺城路

同嚴丈歷亭游舒氏園作

薄陰不散霜飛早園林深貯秋意水木清蒼陂陁高下澹與
暮雲無際紅泥亭子占一角孤城七分煙水最愛疏疏竹竿
萬个滴寒翠年來俊侶都散便登山臨水只恁顛顛倦柳
攀條清流照鬢暗老悲秋身世荒寒如此又畫角聲中夕陽
垂地樹樹西風暮雅寒不起

翠樓吟

山行幽絕臨水數家門外木芙蓉正花爛漫無次
殊愜幽情紀以此詞

濕翠霑衣暗苔枯屐屐幽尋最愛清曉峰回剛路轉恰對面

浮眉樓詞卷一

四

峰清峭似儂曾到只三兩人家看來都好柴門小芙蓉無數
一時紅了誰料隨意閒行有芳塘花鳥徐熙畫稿水邊同
照影定見我風前側帽也應含笑怕青鳥了甯玉容易老尋
芳早向人山色一眉新掃

望湘人

用穀人先生韻

漸蕭蕭瑟瑟冷冷清清客裏如許淒戀衰柳翻鴉枯荷鬧雨
子夜怨歌先變鏡裏霜寒鏡前人瘦眉邊山遠儘哀弦一曲
思歸飛起十三箏雁數盡更更點點把孤衾斷夢一宵等
徧只文鴛繡枕記得舊時曾薦酒痕濃澹淚痕重疊濕了小
蠻鍼幾問何日織手親攜笑勸芳尊須滿

柳色黃

西湖秋柳用穀人先生秋柳詞韻

西子湖頭歸路繫船暮色催霽疎疎漏出斜陽便做秋來詩
意春人老去想見油壁車歸銷磨帶同心字有一陣西風
添一分顚顚 還擬東風舊院北苑新圖南朝蕭寺幾點昏
雅小坐蒼煙叢裏荷花桂子分將一鏡新愁照他鬢影清無
底縱有浣紗人挽纖腰不起

江城梅花引

一重方空一重紗采蓮花采菱花愛住吳船生小號吳娃牆
內紅樓樓外水有明月照鴛鴦宿那家 那家那家在天涯
雨又斜雲又遮聽也聽也聽不到一曲琵琶漸漸西風秋柳
不藏雅欲倩西風吹夢去還只恐夢魂中太遠些

滿庭芳

浮眉樓詞卷一

五

扇月投懷衣香分袂箇儂道是無愁采蓮歸太伴醉臥空篔
攜取屏山六六繩河外殘雨初收長期近一天風露無睡待
牽牛 句留能幾日有門前流水催上蘭舟漸蘭舟不見野
水空流欲寄銀鈎小字趁征鴻飛過樓頭沈吟徧又愁別後
不上小紅樓

天香

粉

擣麝成塵調鉛作雪秦樓一轉初試露下芙蓉雨餘篔竹滿
鏡六朝春思仙人掌上先染了葱根纖指繡領乍溼餘香金
盆緩傾殘水 侵晨宿粧紅膩拂湖絲掃眉還未殘夢關心
蝴蝶欲乾雙翅不信比來下淚問玉頰成痕爲何事索寫丹
青賸來有幾

摸魚兒

次菰

買陂塘兩邊添種高荷大芋相似生成葉葉雙岐樣合傍谿
流燕尾江上水記送別西灣話到年時事故人歸未正軟柄
欵風低枝鬧雨一碧亂無次江鄉好隨意蕪絲菰米食單
多在水際雞頭菱角堆槃後草草田園風味渾不記合付與
廚孃略下些鹽豉旗亭小市共山栗燔餘村醪熟後閒買夜
來醉

水龍吟

蘋花

凌歌唱斷前溪青山影裏秋江老晚風乍起涼煙不散數花
開早去鳥明邊閒鷗眠處采香人少便翠禽一點愁他難立
浮眉樓詞卷一
六
除非是蜻蜓小 有客谿頭垂釣又句留一年過了楊花身
世蘆花伴侶嫩寒清曉隨意停舟偶然照眼添枝紅蓼向水
仙祠下登蘋蓼藻共寒泉萼

齊天樂

果蠃

蟲蟲生就腰支細孤懸長自幽怨小尾雄蠹畫衣穉蜨未許
尋常相見案頭筠管想小寄全象一丸泥滿暖日窗櫺蛛絲
捎徧畫檐短 餅笙相和淒切聽哀音微細似續還斷負蜆
身勞顛當門守也結蟲天仙眷休言善幻笑人世兒曹骨凡
難換戢戢蠹斯一宵如雨點

桂枝香

黃蛺

春潮長處正隔浦聲喧極頭船聚似留春泥不用答簪漁具
從來論斗平量慣敏舷呼麓錢拋與有時亥日漁娃白足筠
籃提取 俊味江鄉堪數比青鮓白蝦羹湯同煮合口椒辛
薄醉想伊風趣兒童不識螺名扁笑且食蛤蜊知許湯盪甲
卸配他早韭剪來新雨

滿江紅

九日同鐵門登鳳皇山頂尋女教場望江用倦圃

竹垞錢唐觀潮韻

四面青山放江水適當其闕流不盡南朝遺恨中原如髮更
殺一圍傾國笑誰橫萬弩迎潮發只茱萸醉裏詫漂零人吳
越 花欲笑簪邊雪雲欲擁巖前月巖名問男兒何用置身高
絕百感茫茫隨處有大江滾滾何時歇恨觀濤僕病未能來

浮眉樓詞卷一

七

中秋節

買陂塘

題胡雛君廬山識面圖

插清江成峰成嶺湖山如此明秀何人小坐槃陀上高挹匡
君衣裏開笑口道蓮社羣賢待爾相尋久扁舟落手問何不
乘風開帆振柁數徧翠屏九 平生事布襪青鞵都有游踪
尙欠江右五峯一一雲中問與老人期何後牛馬走恐待我
歸來頭白成衰醜觀河面皺想意外奇逢圖中人到相識定
如舊

金縷曲

閩僮黃姓汀產也湘湄名之曰汀鷗爰紀以詞
欲問伊鄉里有詞人小名錄就當筵須記萬里家山誰馴得

漂泊黃童年紀夢不到汀洲
蘅芷道我主盟三十六肯相從
浩蕩江湖底僅約在煙波裏
可能便逐漁兄弟買破塘絲
葦青笠船頭沙菊配箇樵青
都不惡婉婉阜羅鴉髻應不羨
風標公子莫度荔枝香
一曲怕回腸容易鄉思起
謂不信如春水

酷相思

苦雨

屋角鴉鴉催不去和簾外
流鶯語門裏湖外湖曾到
否朝來也瀟瀟雨晚來也瀟瀟雨
溼了清明寒食路把杏花期誤
只孤負討春人此度春去也
留難住人去也留難住

菩薩蠻

何夢華半塘春泛圖

浮月樓詞卷一

八

青絲纜細蘭橈濛濛入立垂楊裏
三十六鴛鴦一堤春水
香半塘春好處總是藏鴉樹
樹下記兒家出牆姊妹花

太常引

夢華以葉小鸞疏香閣眉子研銘拓本見示屬爲

賦之

掃眉人倚裏羅寒
月子對彎彎
笙篴去瑤天
算只有蟾蜍淚
潛琉璃匣啟櫻桃
雨潤長定試
際丸小字讀迴環
又想見當時遠山

臺城路

梅華帳額

珊瑚海底枝枝軟
玲瓏翦碎寒月羅帳如煙
銀鉤不動小積
半牀香雪移鐙挂壁
怕骨冷魂清
玉龍吹徹漠漠梨雲
江南

路向此中覓 年來何遜蕉萃記東閣詩篇西積遊履鬢點
吳霜夢殘舊雨髣髴屋梁顏色翠禽低說正人倚高樓裏羅
寒絕待訴相思玉參橫永夕

疏影

花影吹笙圖

空庭潑水正玲瓏澹月簾影垂地帳望銀河閒弄參差箇儂
知是誰思橫枝清瘦疏花活漸篩滿薄羅衫子只枝頭翠羽
雙栖闌見那時情事 難忘黃昏院落畫闌十二曲曲同
倚半攏春纖半度脂香炙暖一行銀字年來白石風情減有
自作新詞誰記但每逢花月嬋娟便想畫中雙髻

百字令

阮雲臺閣學重葺曝書亭命工摹竹垞圖自和竹

浮眉樓詞卷一

九

垞元詞二闕余亦繼聲

鴛鴦湖上記權歌來往扁舟曾泊載酒江湖人在眼渺渺微
波難託八萬卷書兩三竿竹閒想歸田樂百年如夢暮雲幾
葉零落 當日雨裏芭蕉水中菡萏位置煩劇酌舊觀頓還
圖畫好依約黃簾綠幕詞客有靈先生應笑此子宜邱壑他
時重到灸笙須喚菱角

摸魚子

題李武曾徵君藝蘭圖用竹垞集中灌園圖韻

問先生灌園老矣尙餘幾稜稜青畝平生述作騷苗裔小寄外
孫齋白歸隱後渾不記上林花木春明柳遂初賦就想堂北
春濃咳南人健一笑且開口 堂前樹秋錦勝如錦畫西風
幾度搔首天涯芳草行吟徧荃蕙化茅都有交耐久算只有

南鄰朱老長攜手別無恙否約雜佩初秋寒泉薦菊來訪橘
中叟

國香慢

媚蘭小影爲夢華題

眞色生香有小名試錄雅稱孤芳幽居自憐空谷未嫁王昌

定記宮牘留字聽鐘聲催月斜廊

用明宮女媚蘭仙子詩

無言但凝睇

一寸愁心多少思量

彩雲天遠處想明眸秀鬢霧閣雲窗

玉梅花下誰念蕉萃何郎尙有三生舊約怕錦瑟今似人長
還應只如此楚楚眉痕澹澹明粧

紅娘子

古祕戲錢

金鑄鴛鴦牒土蝕相思骨姹女風流沈郎輕薄秦宮偷活看

浮眉樓詞卷一

十

雙飛蝴蝶正團圓任漫天榆莢

覆雨翻雲狹地久天長恰

蠟視橫陳神傳阿堵夢殘金穴笑人間駭女與癡兒買春風

時節

金縷曲

題雲臺閣學修書圖

上苑春如綺護重重琅嬛祕笈花光雲氣東馬才名終賈歲

朝罷橫陳圖史早位置筆牀研几天上愚情仙儘有讓宮中

元九呼才子紉萬卷倩雙髻

使星重指錢江水看紛綸珠

墳笙典赤文綠字椽燭兩行官吏散學士又修書矣問福慧

如公能幾應念書生寒骨相短鐙檠昏對牛毛細旁匿笑玉

川婢

清平樂

題張淶卿花陰填詞圖

花陰漸轉衣上春痕淺圓月一規人半面好箇深深庭院
玉簫金管都宜偷聲減字休遲知否露寒風峭紅兒小立多
時

洞仙歌

題蓋宮花史圖圖十有二人

碧城深處有闌干幾曲幾疊屏風護羣玉正巫雲滿峽霄露
承盤三面海看浴鴛鴦廿六一年春好處風信番番兩兩
仙人小名錄隔座辨釵光下九初三算佳約閏年須續試屈
指花朝是幾時怕歲歲月員時時花落

摸魚兒

送淶卿入都

浮眉樓詞卷一

十一

甚怱怱驪歌催發江天雲物淒緊西湖鴉舅初黃候做出別
離風景江上艇早載著曉風殘月和愁等哀鴻成陣向越角
吳根燕南趙北相對一繩整長安道十丈紅塵埋軫五侯
八貴朝請書生馬狗衣鶉結料爾爲郎無分堪一哂道我已
無家隨處漂零肯酒徒歸盡問壚畔燕姬車前騶卒何處醉
眠穩

又

淶卿自都門歸復遊山左作此贈行并寄黃小松

司馬陳旻生上舍

有征鴻南來北去道逢旅雁相語差池短翼三千里爲是栖
栖何苦嘗險阻又破帽殘衫重躡西陵路搖雲散雨總難忘
當時西園賓客梧竹對衡宇人生事銷魂最是羈旅今人

管鮑如土一錢不直張三影怨曲旗亭空度休見如道老矣
蛾眉金綫無心作去事何知許且問訊陳三寄聲黃九慷慨
爲君舞

又

寄淶卿

聽烏烏城頭畫角馬頭風色催暮重來人已漂零慣衫上淚
痕難數來又去恰子野兜孃都在吳城住酒邊傳語道有箇
吳儂夜闌沈醉羅帕喚題句青樓夢三生杜牧還作去而
今絲鬢千縷雛鴛乳燕會相識想在綠陰深處風吹雨問秋
色離華可似江南否羈懷最苦但卻扇風情題襟心事都付
倦飛羽

水龍吟

浮眉樓詞卷一

三

湖心亭夜泛追憶舊游俯仰身世渺渺兮余懷也
月痕都化涼煙雙堤沈在涼煙裏蕩華露溼菰根風戰瓜皮
船艤一寸秋心三分是月七分是水看湖心點點山山不斷
渾只露依微鬢忽憶去年此日伴故人斂舷同醉笑橫長
笛倚歌小海有魚龍氣游倦成悲離多易老居然千里但回
船夜半圓沙拍拍喚眠鷗起

又

八日寄故園諸子

草堂人日梅花可憐又向天涯度華前思發雁邊書遠道衡
空賦風颭鐙初雪消寒未春愁如許算一股客裏阻風中酒
還不及西湖住料得故人傳語欲題詩故鄉何處也應難
忘盟鷗池館黏雞窗戶子夜歌休辛紫春老了年人去但柳

條弄色年年仍作舊時眉嫵

齊天樂

童佛庵有素冊爲蝨魚所蝕其鑿空處皆肖螭形
殆天巧也詞以寫之

近來不食人閒字滿腔都是春恨青簡生涯白蟬身世幻作
漆園夢影羽陵困損算不似花閒栖香差穩莫羨神仙蛺蝶餘
且就此中隱 有人曝來永晝比夾雪新籤白描副本栩栩
遽遠魚魚雅雅兩翅向黏殘粉滕王休晒是癡絕書生香奩
吟吻展向春風半窗芸葉冷

菩薩蠻

金釭釵粟紅如許爲誰擁髻淒無語一夜雨潺潺春風樓上
寒 玉鞭斜墮馬知在垂楊下低語祝梅花上元須到家

浮眉樓詞卷一

七

又

暮雲重疊山如織一痕淺黛依微碧此際有人愁夕陽山外
樓 春燈初試了寒到春衣峭莫是不歸來玉梅開未開

又

月痕移到梅花澹畫樓人立春寒淺殘雪未消時一枝還一
枝 銀屏雙灘鶻香篆和煙碧相見便嫣然問郎恣意憐

又

東風皺得春痕重香羅深護梨雲夢道是太淒迷隔簾殘雪
飛 蕭郎歸又晚春勝如花淺何事有閒愁玉簫吹兩頭

又

吳儂何必吳中住五湖便是三生路船小慣藏春千絲網越
人 三年留一笑底事催歸早一路遠山多畫眉人柰何

買陂塘

白題山陰歸權圖

問年年阻風中酒江湖人竟歸未居然一權衝風雪粧點蕭蕭行李圖畫裏有萬壑千巖送箇人雙髻剡谿休擬且霜破黃柑燈挑紅粟晚飯柁樓底移家好莫認鴟夸西子鏡湖他日須賜千絲細網三生石兩槩劃開春水歸去矣算泛宅浮家儘可稱鄉里權歌聲起試擁檝煩卿扣舷和汝此曲定能記

又

穀人先生題淶卿露華詞末有見及之語依韻奉
訓并寄都下諸故人

算年來此中日夕淚痕被面如洗鷓鴣燕燕張公子空皺一

浮眉樓詞卷一

十四

池春水誰得髓便白石玉田都付旗亭裏酒闌人起想紅燭筵前烏絲闌底儘做別離味知音少前輩愛才會幾當時沈范堪擬春風傳唱揚州路齊卷珠簾十里我倦矣似漂轉飛花未許游絲繫舊遊應記但寄語燕臺酒人相見有口且深閉

河傳

題夢華絕雲圖

小字須記喚爲雲暮暮朝朝見君送君南浦愁復深千金酬他一笑心阻風中酒年年過誰伴我且賦風懷左謝芳姿網千絲他時蠶雄粉蜨雌

夢華屬意
一婢故及

採春悞

淶卿自山左來杭合并西湖未及十日卽爲東阿

之行酒邊索贈書以爲別

慢水搖堤飛花撲帽相逢又是春半俊侶疎時細車歸後小
結嬉春閒伴誰記重來客算只有垂楊青眼問伊昔日風流
鬢絲何事零亂 卻笑一年一度渾不似定巢王謝雙燕寒
食光陰天涯情味消得幾回相見還共西湖約怕尙有輕風
吹轉莫滯游踪高樓人正凝盼

洞仙歌

寄素君

綺窗臨水挂一重簾子簾外垂楊畫船繫道春風正好催放
輕橈全不管先把箇儂催起 嘔啞聲未遠轉箇灣頭眼底
居然便千里不見一重簾簾外垂楊又何況隔簾雙鬢算臨
別無言忒忽忽有曲曲谿流是伊清淚

浮眉樓詞卷一

五

又

小桃落盡又春寒側側過了今年小寒食便鬻篔怨雨蛛網
黏花歸去也春已三分之一 昨宵淺夢裏夢也無憑夢裏
人人更無力軟語任憑肩低髻愁眉是鏡下舊時顏色只忘
卻歸期約何時猶自說高樓杏華消息

買陂塘

蘭泉先生招集瑪瑙寺看牡丹分韻得更字述以
此詞

又悒悒滿湖香絮一年春已將盡東風收拾閒紅紫并作者
番芳信風乍定有臥穩狸奴日午花陰正鉤簾試問問花底
年年看花伴侶得似此時俊 佳招踐連日陰晴難準能來
須是乘興沈香應詔關何事薄醉被人呼醒文字飲看白髮

嬉春一老紅闌凭
學牋賦韻儘雀舫
移頻鈿車歸了
後約試尋更

又

方臺山屬題冰壺夫人桃源春泛圖

看浮槎坐來天上一
篙春水初暖川原
遠近都如綺十里
明霞新翦紅一段
向鏡裏盈盈同照
春風面阿誰曾見
算只有紅襟掠波
雙燕隔水定偷眼
仙源好已熟胡麻
仙飯休歌水遠人
遠當年便笑天台
侶不解人間何戀
歸緩緩愛輕浪魚
鱗容與中流半流
年暗換但黃竹箱
開縷金衣試紅雨
尚應滿

水龍吟

語兒道中萬綠如水
澹日微陰時漏疏
雨扁舟搖

浮眉樓詞卷一

七

元其間爲賦此調

是晴還是微陰濛濛好
箇江南路桑陰兩岸
竹梯橫閣最深
深處去鳥孤明連山
積翠夕陽界住正
扁舟有客微吟淺
醉譜腸斷方回句
又是一年羈旅
一年春又隨人去
換他幾點滬邊鷺
外疏疏殘雨圓鏡
冰寒生綃紅潤也
應淒楚待歸時
細問香銷夢斷
定思量否

清平樂

春湖吟社扇面爲夢華作

兩湖如鏡雙照桃
鬢影花外夕陽紅
不定又是畫船歸
近去年煙雨溟溟
今年花月惺忪斷
送一生顛顛只消
便面春風

國香慢

袁壽階屬賦紅蕙

乍轉光風自三閭去後九畹滋同孤芳肯隨荃化忽訝春容
莫是獨醒良苦倦行吟薄酒微中幽裏與誰語寫入朱弦怨
曲纔終 湘江江上水便覺來淚滴勻染難工荷衣顚顛未
應綬帶垂紅回首金閨樓外記辭家小妹初逢香魂便能返
澹粉輕脂終恨惺忪

浮眉樓詞卷一終

浮眉樓詞卷一

驚傳漏鼓聲如鼓
忽對帶垂珠回首金閨樓外記辭家小妹初逢香魂便能返
曲盡餘 賦江上水便覺來淚滴勻染難工荷衣顚顛未
應綬帶垂紅回首金閨樓外記辭家小妹初逢香魂便能返
半醉水風自三閭去後九畹滋同孤芳肯隨荃化忽訝春容
莫是獨醒良苦倦行吟薄酒微中幽裏與誰語寫入朱弦怨

浮眉樓詞卷二

吳江郭麐祥伯著

仁和許增邁孫刊

疏影

舒衫受落花圖

春陰似墨正輕衫乍試何處橫笛應是高樓不管清愁便訴
江南消息玉人未醒梨雲夢想獨步冰苔猶溼恁禁他翠裊
天寒無數落英如積苦憶西園清夜酒邊出素手曾共攀
摘漸老何郎便約重來不是舊時月色東風衣袂憑誰問怕
只有淚痕留得判一生消受春愁點點唾花凝碧

水龍吟

厭勝鏡徑二寸有奇背列祕戲者四女裝絕似武

浮眉樓詞卷二

梁祠像六朝物也

分明一片新荷剛照見鴛鴦睡秦時明月漢宮春色唐家
遺事影裏鸞孤盤時龍寡物猶如此笑何妨注就蟲蟲燕燕
添四角中央字長定循環纖指暈紅潮背人偷視宿粧慵
整長眉未畫慳慳情思三閣綺羅六朝金粉而今何似看土
花淺碧爛熳多分是銅仙淚

紅情

題二妖鷗夢圓圖用玉田韻

生香活色有水天閒話憑肩語密除卻鴛鴦只有眠鷗似相
識三十六陂舊夢明鏡裏低徊潛憶問微步一餉凌波羅襪
可會溼小立髻鬟側想明月那時流水今日春風靈液滄
盪其間浪痕碧自恨采香太晚重到也紅衣非昔又況畫船

艤處船中玉笛

沈園春

二娛爲余題蠹蝨卷子比物象形裁雲縫月後有
作者未能或之先矣酒酣以往逸氣空涌開爲變
調以攄鬱塞之懷并示二娛

鑽紙蠅癡伏案螢乾男兒可憐笑吾其魚矣人言善幻遽然
蠅也或羨成仙五蠹書成一生花活游戲其閒然不然君休
問看此中有鬼蟲亦能天 爲君試質前賢更有箇吾家博
物傳是蒙莊濶達未離文字謝郎輕薄多爲詩篇磊落景純
蠹魚詮釋鳳子春駒有闕焉亡應補任叢殘科斗零落蚘涎
齊天樂

北山旅館圖用穀人先生韻爲華秋槎司馬作

浮眉樓詞卷二

二

十年載酒江湖徧不歸如此湖水小艇鳴榔低檐結網穩住
一家深翠畫圖寫意問選箇江鄉西湖有幾鳴榔黃邊幾人
同此夕陽醉 當歸故鄉應寄笑辭宣東閣眞欲相吏蓬裏
伊涼胸中雲夢暗老英雄身世壯心不已道種菜閉門漸語
斯味何況鱸鄉秋風斜日裏

洞仙歌

書素琴校書扇

當年桃葉向渡頭曾見問姓分明掌中燕把舊時衣袂與說
相思東風裏可記淚痕曾染 厭厭三爵後素女琴心忽發
狂言有誰管教寫折枝梅翠羽啾啾定闕見玉人清怨肯等
到闌干月明時便幾箇黃昏也都情願

又

題錢叔美爲疏香女子畫梅用袁蘭邨韻

東風著力恰雪痕微逗略解春情便應瘦似那回曾見隔箇窗紗修竹裏翠袖暮寒時候江南二三月豔紫妖紅兒女十平枝五枝繡誰得比孤清一斛珠量除聘取海棠消受擬待到昏黃月微明倩玉笛橫吹看珠簾秀

風蝶令

秋影樓圖

雁齒紅橋近烏衣曲巷斜水天閒話記些些六扇冰紋榻子慣藏他春燕雙栖地秋風八月槎重來那不感年華猶傍水楊柳樹問伊家

百字令

題蘭村南園春夢圖

浮月樓詞卷二

三

東風何苦只送將春到難留春住落絮游絲無氣力還自飛來飛去白水橋梁紅泥亭榭人說南園路畫圖省識看來已是前度莫倚錦瑟筵前楚腰掌上年少能才語記得些些惆悵事便費蠻牋無數玉局彈碁銅槃遞淚此夢儂曾作去年今日桃華亂落如雨
去年今日桃華亂落如雨

喝火令

莫愁小像爲汪紫珊姬人綠玉作

文杏栽梁柱流黃織畫紗春風留住六朝花願作紅襟雙燕飛去入伊家有箇人如玉看來略似他重幃初卷繡裙斜只少耳邊朱暈一些些只少阿侯膝上小語學嘔啞

高陽臺

隨園席上贈別疏香

暗水通潮癡嵐閣雨微陰不散重城留得枯荷奈他先作離
聲清歌欲遏行雲住露春纖竝坐調笙莫多情第一難忘席
上輕輕 天涯我是漂零慣恁飛花無定相送人行見說蘭
舟明朝也泊長亭門前記取垂楊樹只藏他三兩秋鴛一程
程愁水愁風不要人聽

買陂塘

信宿隨園頗極文燕之樂將歸之夕蘭村以秋夢
樓圖索題黯然賦此

小紅樓居然百尺文窗了鳥深閉豈知中有悲秋客夢與碧
雲無際湖海氣只打疊柔情不斷如春水偷聲減字問白石
玉田金荃蘭畹多少可憐子 浮名好低唱淺斟何似爲誰
此景輕棄六朝山色雙眉嫵換了青衫從事我醉矣想葛陂

浮眉樓詞卷二

四

西華那有桃花米能謀酒未怕江上荻聲堵前蛩語漸漸有

秋意

時蘭村將
入都高選

祝英臺近

題梅卿女史倚竹圖

玉釵長金釧瘦濃綠翦雙袖刻徧琅玕又是一詩就問他翠
羽三更薜蘿半夜可窺見繡鞵冰透 算佳偶鳳背天外尋
難得似舊人否磨鏡劉楨平視也低首同君一樣西家牽蘿
補屋定念我暮寒時候

柳梢青

贈琵琶伎

直得魂銷鬢簪寒玉袖卷輕綃半面猶遮四弦入破涼月初
高 天涯淪落相遭酒醒處天風海濤翠被秋深烏篷露冷

一樣今宵

長相思

荻花殘 蓼花殷 一樣秋風有兩般 紅紅白白看 笛聲乾角
聲酸行盡江南無數山 征衣漸漸寒

好事近

效朱希真體

瓜步晚潮生 一峭布帆百里酒醒鐘聲何處出金山寺裏
金山對面是焦山 睡著兩鬢髻 只有半鉤殘月照船中 遂起

又

歸舟同竹士作

何處是儂家 歷歷青山無數青到一重樓上對箇儂眉嫵
朝朝江上望 歸船江住見山住 指點片帆飛過在青山斷處

浮眉樓詞卷二

五

闌千萬里心

自題浮眉樓圖

濛濛絲柳不藏秋 隱隱疎簾半上鉤 見說年年愛遠游 一重
樓兩點眉山相對愁

高陽臺

錄別

玉局中心金釭照 眼悲秋人又長征 擁髻淒然背鏡直 是愁
生三杯兩琖將離酒 怎禁他和淚同傾 太淒清 蛩語聲聲雁
語聲聲 銅籤屈指無多路 說當時歸權一半曾經後 夜明
朝爲儂細算郵程 鴛鴦湖上條條柳 望前頭有座旗亭 肯消
停風也 須行雨也 須行

貂裘換酒

十月一日偕鐵門倪米樓同游冷泉亭至白衲龕
下山經蕭九孃酒壚泥飲而歸屬湘湄作寒壚買
醉卷子紀以此詞湘湄曾與余雪夜同宿酒樓持
火入山題詩石壁上此圖亦不可無詞也

雅勇紅如此正千山萬山夕照不知幾里忽見青旗高樓外
其上有翩翩字有隨分橙黃筍紫我是酒徒元無賴索銀餅
莫笑龐豪氣鷓鴣霜解可容貰 四山積雪危闌倚話當時風
懷酒膽故人老矣不向冷泉亭下醉負此松風兩耳況落葉
紛紛而至寫作畫圖傳也得要壚頭貌个雙丫髻渠能記十
年事

附前調

袁棠 湘湄

誰畫荒寒景但蒼蒼暮雲一片亂峯齊暝幾陣盤鴉催風

浮眉樓詞卷二

六

色又作去

江干霜信況遊子衣單誰省淒緊客裏無着處

只山樓一角斜陽賸紅樹外酒旗影 題名重向壚頭認

算青衫十年著破轉蓬無定莫更當杯歌忱擁髻清愁
未醒定說到漳濱人病舊雨不來前塵在也依稀隣笛山
陽聽題此卷誌我幸

又

朱春生 鐵門

如此秋光好看西湖亂山深處楓林紅了十里沿谿彎環
路不借一雙能到且莫管亂雅殘照記取年時沈醉處揭
青帘便索銀餅倒煨落葉暖清醪 舊愁新恨知多少似
今番清游有幾暗傷懷抱自喫天台胡麻飯乞食何曾一
飽悔不作酒家傭保一樣漂零風絮影看當壚人也朱顏
老休怪我鬢霜早

疏影

帆影和米樓韻

爲誰送到恁斜斜整整驀地來情暮雨初收疊鼓猶催殷勤
澹月留照支筇愛喚秋江渡問波底去來多少只兩邊純浸
遙山一霎半湖遮了記得離筵江上舉楫尙未勸聽說風
好猶自憑闌不覺回頭已亂一行飛鳥知他寂歷斜陽外消
幾度醉眠欹倒怕有人腸斷登樓誤認粘天衰草

金縷曲

題米樓夢隱詞卽用其集中紅豆詞韻

燭炮更闌矣怪今宵聲聲落葉都來窗裏細字蠶眠無多幅
不信愁人至此看眼底詞流有幾偶作天風海濤曲又吹花
嚼出紅霞蕊翩然跨琴高鯉天涯別緒紛難理湯沈吟舊

浮眉樓詞卷二

七

歡如夢流年如水說著江南腸斷句中有淚痕隱起只合付
辭家車子張緒漂零尤衰遠謂涼卿儘時人笑把周秦比莫
寒了調箏指

又

題汪飲泉秋隱庵填詞圖

十里春風路有伊人裁雲縫月移宮換羽身是三生狂杜牧
今日鬢絲如許只逢著秋孃能賦問訊汪倫情何似也桃花
亂落如紅雨君莫怪作癡語竹西歌吹依然否但年年吳
公臺畔門雞兒女腰鼓儘消三百副誰唱康郎樂府況白石
揚州詞句何必紅紅方能記倩笛家吹入蕢洲譜蜀井水在
何處

賣花聲

姜怡亭葬女郎于西湖作瘞花圖乞題一詞

小雨夜情悄寒戀重衾朝來香徑怯相尋不信東風魂不斷
葬得深深舊事暗沈吟顛顛而今長堤宿草有紅心翻羨
當時狂杜牧來便成陰

祝英臺近

怡亭秋晴訪碑圖

石排衙窗列岫往事記重九閃閃寒雅如墨點雙袖看君走
上層巔摩挲斷碣全不怕藤纏雨溜試搔首要問一片韓
陵共語尙堪否近日磨厓山骨斲應瘦年來愛注蟲魚肯分
金石笑茶覆懷中人有

夢芙蓉

蘭村寓大佛寺僧樓同人畢集湘湄爲作湖上雲

浮眉樓詞卷二

八

萍圖紀以此詞

北風江上冷正湖天黯黹客裏淒緊東雲幾葉流出片颿影
故人期尙準楓林休霜信佛屋蕭然有兩三倦侶吟到夜
鐙暈同調相逢一哂中酒悲秋已是三生病畫中眉嫵不
似舊時靚雁飛渾未定夕陽猶戀寒陣如此江山又怱怱別
去十日醉應肯

清平樂

徐山民吳姍姍夫婦柳陰雙槩合卺屬題

鵝兒搓就小試調酥手眉葉腰身誰比瘦春水生來先皺
芳草一路芊眠江南春盡如天不信別家樓上陌頭柳色年
年

醉太平

蘭村移居玉華樓

煙雲一牀煙波一囊移家仍住僧房可青山一窗 平林夕陽長橋夜榔只多十里湖光見南屏曉粧

暗香

宋西樵爲其妹作梅花子扇湘涓徵君屬賦之

萬花開落怪東風最早吹醒寒玉只有廣平一賦千秋擅幽獨憐取山礬是弟想雷岸書回應索便說是便面春多香冷不盈握 茅屋翠衷薄正日莫天寒絕代空谷怨蛾自綠愁點當時額黃角高臥袁郎記否曾小小珍禽同宿算合喚楊妹子爲題滿幅

疏影

湘涓有所恨畫青梅子一枝以寄意霜辛露酸別

浮眉樓詞卷二

九

有寄託非牧之詩意也以余有元白之好知拂面花故事屬倚聲以紀

玉梅未落有枝頭點點酸意先著齒冷吳孃不管春寒臨風自弄霜角高樓也有人橫笛但樓外翠禽偷覺試問伊葉底清圓莫認綠陰成幄 記否年年此際鴛桃已結子蠶豆初熟山店燒春寒食時光陌上草痕新綠消他幾度沈沈雨已過了杏花餒粥又教人腸斷江南只恐方回難讀

金縷曲

山民出示 國初諸公寄吳漢槎塞外尺牘輒題

其後

幾幅叢殘紙是當年冰天雪窖眼穿而至萬里風沙甯古塔那有塞鴻接翅更緘寄烏絲彈指二集 一代奇才千秋恨換

故人和墨三升淚生還遂偶然耳 諸公袞袞京華裏只斯人投荒絕徼非生非死徐逸顧榮皆舊識立齋梁汾難得相門才子若歎不僅憐才而已感慨何須生同世看人閒尙寶瑤華字只此道幾曾棄

生查子

階前一片苔青到牆陰住羅幃是何人小印香痕去 愁隨鑪篆長影共鐙花語關了碧紗窗各自聽春雨

買陂塘

二月十四日坐江山船行諸暨道中山水清妍雜花生樹傷春傷別情見乎詞

放輕船青山影裏欹斜帆帆葉低挂落溶漾漾平堤水誰把越羅新研花事午已過了花朝春月圓今夜柁樓飯罷有新柳

浮眉樓詞卷二

十

泥人閒鷗窺客愁重酒難把 當年事想見鴟夸妍雅扁舟容與其下一峰最遠眉痕澹絕似苧蘿初嫁誰共話算如此江山少箇人如畫先生歸也問春雨樓頭杏花賣未和淚寄羅帕

金縷曲

得涿卿山左書并見懷之作走筆寄答

好在張公子正經年思君不見飛來片紙不過相思加餐飯難禁淚痕如洗更一一新詞同寄宛轉漂流都不訴但略言青鬢今如此抱玉泣且休矣 檳榔滿斛渾閒事算天涯相攜花下不如歸耳若得江鄉比隣住隨意孤村小市有舍北舍南春水鵝鴨往來葦芡賤種湖田薑蔗供租稅只此頗幾時遂

沁園春

寄伯生

一別三年不見蔣生可憐酒徒記長安市上狂歌痛飲盧溝
歸路駿馬名姝牧豕公卿爛羊都尉笑爾盈盈公府趨因君
問怕沛南士少歷下亭孤 年來豪氣銷除便載酒江湖失
故吾有白頭老母是兒可念紅粧少婦夫婿言殊歲歲依人
年年下第領底鬢鬢漸有鬚都休矣看抱關吏賤處士聲虛
百字令

春盡夜酒醒有作

沈沈細雨又一番春事一宵將盡判與憎騰扶醉過酒到無
膠偏醒再熟餘香重燒紅燭惜此須臾景教添半臂薄寒今
夜猶賸 絕似有客天涯年年此度先在河梁等刻意欲裁
腸斷句筆底落紅成陣謝女檀郎濃香淺夢那有閒心性中
年哀樂淒然自看雙鬢

水龍吟

題陶鳧鄉容舫填詞圖

欹斜幾扇烏篷消磨詞客江湖老阿誰畫出微茫煙樹翩翩
沙鳥蒼雪往來當時相見中仙風調儘船頭獨酌船舷獨斝
除漚鷺無人曉 欲放扁舟何處路灣環牽去 絲風裊東禪
寺畔相思樹底小紅酒小我若相逢阻風中酒年年都好笑
恩恩回首煙波已過卻松陵道

新雁過粧樓

漢宮雁足鐙

別苑離宮傳遺製分明燭影搖紅一行低照三十六處秋風

料得調箏孤影裏伴他促柱月明中最惺忪暮傳蠻蠟昏綴
釵蟲 誰憐長門永夜正恁時鏗暗聽徧征鴻寒鴉雖冷猶
帶曉日瞳矓羈臣帛書難寄但悵望甘泉遙舉奠朝來看有
成堆紅淚先滿金銅

月華清

蜀王衍停空鏡

秋老蟾蜍春迴鸞鵲故宮鉛水猶冷蜀道青天鑄出一丸孤
影想當日媚臉傳紅定照見醉粧初醒誰省向麗情集裏芳
名細認 記否良工質瑩正繡幌低懸綺窗幽靚尖裏羅巾
有箇如花人竝算儘隨金盃漂零間可似玉奴長恨堪嗔怕
後來花蓋宮詞難詠

簫 瑞雀仙

浮眉樓詞卷二

十一

白玉麻姑像

白雲飛一片是吹來雀背風鬟凌亂方平舊曾見迹庵司寇認少
年狡獪當時人面良工誰碾定偷闌蔡經宅畔問翩然何處
凌波東海近來深淺 堪念一杯春露一擲丹砂年華都換
游仙夢斷垂玉筋淚痕滿想瑤臺月下冰綃帳底妒殺雙成
女伴記有人手爪相如比伊暖暖

水龍吟

蒼龍嘯月琴

刺船海上歸來枯桐蛻骨寒雲裏大魚出聽瘦蛟潛舞誰吟
波仄萬竅皆暗一丸初上四山如洗有老漁夜半拋來鐵網
珊瑚樹收齊起 欲把冰絲偷寫怕滄江百靈騰沸蘇門人
杳廣陵散絕世無此耳躡躡龍文悒悒楚續匣塵滿矣但好

天良夜魂清骨冷抱金徽睡

臺城路

題徐縵雲今宵酒醒圖

阿誰抵死催人去樓頭五更鐘動玉筋痕垂銀荷灰燼消得
幾番潛送如塵似夢有萬疊山低一蓬愁重月曉風殘離情
別恨此時種江郎賦情漸減送君南浦路若箇曾共白雁
橫天秋河絡角江上夜潮初涌薄衾孤擁想隔著高城水精
簾控吟到銷魂瘦肩山字聳

高陽臺

重逢素琴較書

斷夢牽雲微波怨雨重逢故國深秋只隔經年玉簫已訴離
愁梁塵漠漠飛難盡爲雙栖巢印猶留下簾鉤掌上迴身鏡
畔迴眸思量處處堪惆悵有蘭缸影事桂檝前游當日絲
楊而今解拂人頭江東才思隨年減怕雲英見也先羞一齊
休銀甲彈箏且合伊州

憶舊遊

題彭甘亭淮陰鴻爪圖

記相逢市上偶語橋邊共識狂奴斗大山城裏看無雙國士
多在窮塗高臺釣絲飄處淮水正舒舒問照影征鴻而今可
認舊日頭顱愁余此重聚又白下秋深木末亭孤回首當
年事話王孫老矣乞食游吳羞他少年問訊長劍佩能無更
有箇官人蠻雲蚤雨唳鷓鴣謂二嫖

又

辛酉秋重過得月樓美人已遠流水無際卽事悽

春殊不勝懷屬湘湄作山塘感舊圖因題此解

又秋舫疊鼓珠箔飄鐙隔水樓高試認雙栖處看文紗六扇
舊綠都銷隔窗玉鉤閒挂簾影黑周遭歎水遠山重春歸不
信直恁迢迢無慘此重省記子夜休歌午枕回潮欲話吹
簫事問二分明月何處今宵只有應門楊柳還學沈郎腰賸
當日船孃斜陽喚渡斟酌橋

清平樂

惜花仕女卷

獨兒撼起日影闌簾未屈指春光今賸幾架上荼蘼開矣
褪來怕瘦胸前耳璫一半猶懸除卻橫陳時節者回模樣堪
憐

聲聲慢

浮眉樓詞卷二

西湖寒夜懷涑卿山左

十四

酒波暖處鐙暈寒初客愁最苦消凝鏡裏年光誰念暮景飛
騰西湖月荒沙白剝南山尙見高稜定笑我向危樓獨上曲
檻孤憑忽憶故人千里欲舉杯相屬喚恐難鷹雁字回時
須寄一幅吳綾齊州暮煙九點怕柔魂飛夢無憑待見也問
今宵成夢未會

滿庭芳

風颭窗鐙霜沈街柝客懷鄉思相撩一眉寒月淺澹畫無慘
隔巷不知何樹到更殘轉自蕭蕭難忘處高樓此際心字正
香燒也應人倦矣下帷小玉滅燭輕綃有雲屏幾曲圍住
春嬌嘗記宵寒呼酒愛看伊登頰紅潮還能否只愁酒醒依
舊是寒宵

臺城路

索張墨池畫僧廬聽雨圖

生平不分江湖老而今鬢絲如許羅帳鏗昏孤蓬浪白何似
僧寮且住憑君畫取也未要荒寒十分淒楚山色湖光濛濛
更著幾株樹當年俊遊伴侶有沈雄騷賦激烈雞舞一半
飛騰青雲自致一半已埋黃土壯懷漫與只掃地燒香佛前
鐙炷歸到西窗泥他深夜語

又

題米樓高山流水圖

世間無事無三昧惟愁會心人少半死桐枯七條絲細未識
此中何好有人絕倒正水遠山長獨移孤棹寂寞千秋也應
直得絕弦了知君一襟幽抱問悒悒琴趣幾箇同調夢裏

浮眉樓詞卷二

五

庵荒蘆中士賤容易國工先老

君有蘆中秋瑟詞
夢憲庵君所居也

波平風小

聽門外挈音是儂尋到若訪成連刺船歸及早

醉太平

蓮衣詞爲米樓作

紅衣帶援紅顏酒醅休翻驟雨新荷怕鴛鴦夢多 前溪緩
歌中流素波夕陽一舸重過又西風柰何

又

題黃退庵友漁齋圖

庭中碧梧窗中素書看君便老江湖有沙鷗笑無 東家酒
壚西家狗屠客來高坐誰與是煙波釣徒

又

馮玉如月夜聽簫圖

宵寒更清簫聲獨聞
碧桃花落紛紛
又人間莫春
而今鄂君名香細熏
只他涼月殷勤
照秦樓夜深

壽樓春

夢華屬題壽華樓圖

高樓浮雲齊見交疏
綺戶飛級唐梯最好
肩扶同凭手纖偷攜
看畫取雙蛾眉是曉
來春風吹低問淺笑
粧成閒情定後前
事可重提
天台路桃花谿記
量珠未穩等夢多
迷慢恨親分釵鳳
暗通靈犀詞有託
詩無題分此生銀
河東西算人欲
天從披圖有人應
妬伊

柳梢青

窗戶誰敲
分明花外竹影微搖
卯酒醒初
了簾下了閒到無
膠別離魂夢偏勞
似八月朝潮
暮潮守到黃昏
上來紅燭

浮眉樓詞卷二

六

又是今宵

買陂塘

題陳雪樵留春小舫圖

記曾經千巖萬壑
中流小舫容與越
孃纖手青絲絳揀
繫垂楊多處來
又去總負了鴛鴦
燕燕匆匆語知君
小住便挈榼三升
掠波兩桡敲響水
窗戶人間世莫道
春光難駐任君青
鬢如故黃皮袴褶
從軍樂已換綠
蓑煙雨儂也誤
算略有三楹草閣
分湖路頻年羈旅
儘竹外花開江頭
水暖閒殺舊

鷗鷺

洞仙歌

題張晴厓聽香圖

蟾蜍寒玉滴露珠
清曉擣麝成塵
暗香繞怪靈犀
一點鼻觀

先通人微笑莫是遠山須埽 書生病風手側盾橫磨底用
微揅裏羅小要見玉纖纖報墮金釵難得露麻姑長爪算我
若當筵索新題便背上神鞭也都判了

浮眉樓詞卷二終

浮眉樓詞卷二

懺餘綺語卷一

吳江郭麐祥伯著

仁和許增邁孫刊

月華清

古銅一器如環背隆然有夔文雲臺中丞證以漢書外戚傳班固何晏賦定爲金釭屬賦此詞

根失倉琅關飛牡鑰漢宮遺事誰省幸舍椒塗猶賸辱金如餅看團團環轉無端見涎涎燕飛留影試問是落帶連錢此焉二等想得溫柔鄉近映月滿方諸日鬪員昼流落千年但有土花苔暈笑從渠禍水痕侵應不比銅山淚滲此恨只淒然通德背鏡還認

疎影

懺餘綺語卷一

黃葉邨圖

已秋未老正西風幾樹畫出斜照如此江南著箇扁舟看來煙水都好漲痕初落籬根露添屋角數峯清峭想前邨定有人尋樹下小門開了自笑吾家同在半邨半郭裏歸計難料輸與谿翁三腳鐺邊滿地霜華新埽馬脰西去秋盃冷只近日竹林遊少謂小松怕蕭蕭撼撼淒淒點點暮寒早

柳梢青

惜花圖爲默齋作

斷送春光花開花落老卻潘郎白白朱朱紛紛點點惜惜悵悵
悵 青箔生徧長廊是埋玉淡淡土香燕子歸時畫簾垂處

一段斜陽

懺餘綺語卷一 一枝花

默齋將有閩海之行以丁巳歲方君蘭坻所作西湖餞別行看屬題歎逝傷離輒成此解

濕翠濃如許過了朝來涼雨野航三兩客舊溫鷺且緩驪歌
小著尊前句圖畫憑留取老去方干經營慘澹心苦 往事
休重訴又早送君南浦天涯端可惜酒人去天末閩山如薺
圍榕樹橫海樓船渡問手掣長鯨更憶釣魚師不

柳色黃

六扇窗紗斜掩微寒梅雨初過香篝潤逼紅綃笑覆畫衣文
袴良宵正永那信一棧春醪遙山漸澹眉痕爰若是不相憐
肯佯佯偷臥 眞箇入襄明月碧海青天半霄輕墮花影參
差可恨烏龍閒鎖自來小膽況經此度怔忡勝常道罷回身
可道是不相憐又遙遙同坐

餓餘綺語卷一

二

柳梢青

題斜倚熏籠坐到明仕女

皺玉誰溫熏籠倚徧難爨痕蠟鳳猶明檐鴉未起還算黃
昏 有人會隔中門只許見朝來面勻簾柵垂時剪刀放了
各自銷魂

齊天樂

查梅史琴媵軒屬賦

吳蠶愛作同功繭冰絲打來千縷軫玉分田徽金鑄礦久矣
心心心許三星在戶伴謝女檀郎最淡淡處百福香斂鱗鱗
魚婢笑看汝 長卿可惜遊倦鷓鴣裘典了誰買詞賦錦瑟
入長茂陵草綠暗老舊時芳侶何時酒取怕鬢影春風天寒
日暮一曲思歸愴愴淡夜語

買陂塘

查丙塘補屋圖

笑年年塗泥束版寓公真似梁燕尋常不待秋風破已是三
重茅卷空谷晚儘帶蒹披蘿楚客工幽怨阿稽阿段等刈稻
歸來水筒修了商略手初斷 書生志廣厦胷中千萬漂搖
先自難免妻孥不怪牀牀漏頗怪屋梁仰面君不見有碌碌
場邊苦草新如翦紙糊窗暖坐曝背鄰翁驅雞稚子旭日照
檐滿

南鄉子

夜永細聞香坐近金鑪鵲尾笏好是問人眠得未空牀白月
微微印一方 端的沒商量臨去殷勤一盼郎聽得中門雙
扇闔倉琅彼此生暗斷腸

又

懺餘綺語卷一

三

嬌極卻愁他未縮頰雲兩髻鴉便問昨宵應酒渴薑芽玉椀
攜來雀舌茶 何計報伊家說著先教粉淚斜只願年年相
對坐窗紗君似菱花妾似花

點絳脣

詠小

叢桂山邊那年早識愁滋味羅衣心字憐取橫陳未 一點
脣朱兩點顰眉翠紅兒比畫橋第四添个人人俗

鵲橋仙

詠五

梅花春早雪花春好色色迷離都有箇年剛是月團圓想初
二初三時候 丁丁漏急瑟瑟鼓絕效擎藏鉤織手移家船

上肯同吾算只少箇儂一口

南樓令

了鳥鎖黃金交疏隱碧岑一重樓一段春心欲寄閒愁無著
處人定後月微陰舊夢苦侵尋花枝瘦不禁傷闌干驚起
栖禽燭影幢幢鑿上了想又是夢重衾

滿庭芳

題沈秋卿夢綠庵

過雨霑沙流雲學水庭院又是微寒梧陰竹影淡處著蕉團
幾番去恩恩花信換淒迷一曲闌干無人到香鑪茗盃欹枕
睡初安前賢思北郭羈臣老去易雜悲歡夢江南萬綠見
也都難年少東陽何事卻尋常腰帶圍寬他時去圓莎分我
吟就刻琅玕

懺餘綺語卷一

四

綠意

娜嬛仙館蕉花畫卷

新涼雨足正乍回曉夢天影都綠半拓吟窗忽見低垂重重
芳意如蹙煮茶煙澹秋痕瘦禪牆角一枝寒玉笑美人別逞
妖妍小露紅情猶俗想爲著書人倦墨花葉几淨相伴幽
獨史橐焚餘點筆圖成仙掌露珠凝粟詩人愛寫蕭寒景恨
未入雪中橫幅更待他鳳實成時留配故園修竹

采桑子

碧紗窗外風吹雨密密疏疏似有如無薄醉消時燭暈初
醒來呼婦聞商略載酒江湖息影菰蘆還作征夫作釣徒

探春慢

陳子玉鄧尉尋春詩意

烏榜衝煙魚鱗動鏡俊遊肯待春晚雨水才交雪花初霽人
在虎山橋畔吟到荒寒處卻早有翠禽唳徧笑他歌舫恩
只向山塘塘半記共阿連徐孺載畫榼瘦瓢三宿猶戀風
帽歌檐冰苔印屐似爾少年清婉回首昔年夢已兩鬢吳霜
輕點倘覓留題石樓應有詩版

醉太平

春花白紅春山澹濃春波才著春風疊春羅幾重春晴意
慵春陰懊悞待他春月溶溶約春人載同

賣花聲

飲泉自畫芳草以寄望廬之思爲賦此調

一片好萼苔綠了空階蕤蕤淡鎖舊池臺除卻斜陽和燕子
還有誰來風約畫簾開獨自徘徊春痕如夢滿天涯泥上

截餘綺語卷一

五

韞羅泉下玉都被伊埋

高陽臺

醉雲樓爲康山主人江文叔賦

十里珠簾二分明月仙人原好樓居別起閒房上頭青鳥飛
初多情合爲瓊漿醉早氤氳結就流蘇掩銅鋪萬綠陰中好
箇青廬鴛鴦待闕先開社問何時西曲駕六萌車雜體江
淹要伊小字親書外人那識高唐賦見行雲紅上交疏笑狂
奴他日重來平視容無

菩薩蠻

紅橋宴集代錢錢作

楊花薄處春雲厚紅橋微雨愁時候初試袂羅衣問人宜不
宜坐中皆俊侶更喜能吳語千二百輕鸞何人沈下賢

叙頭鳳

鳳兒詞爲文叔作

丹山麓屏山曲桐花倒挂珍禽綠調琴等吹簫引初三下九
月明風定肯肯肯香車促明珠斛何人墮此懷中玉文窗
冷文園病一簾秋雨滿階花影認認認

一枝花

嚴九能姬人張秋月故外家青衣也字以香修爲
繪秋江載月圖寄題其卷

月色兼秋色江上白蘋風急張星剛一箇月邊出除是君平
還認支機石應見天孫說僥倖梁清明河影裏迎接相憶
重相惜崇讓宅中曾識問卿緣底事淚痕溼從此雙修儘安
穩雙栖得心香憑更熱沈水博山鑪看伊隨意結結張愛誦唐人但

懺餘綺語卷一

六

見淚痕溼不知
心恨誰之句

鳳皇臺上憶吹簫

題九能畫扇齋秋怨詞用漱玉韻原詞重一休字
今日來對今易之

石闕碑銜金缸淚滿彈碁局在心頭把一襟幽恨寫上銀鈎
已是今生憐眷便他生未卜還休如何更星星記夢瑟瑟驚
秋香修幾生到此書縫列芳名指印同留屬春人秋士好
在紅樓夜夜牀前明月爲故鄉溼了雙眸君多事人方欲愁
卻又言愁

疏影

上元夜退庵招飲梅花下越日壽生自分湖來復
會子此用白石韻記之

玲瓏碎玉是舊時月色招我同宿隔歲相思第一回員休教
便弄橫竹微雲澹澹疎鏡小只解照枝南枝北儘夜淡閒與
徘徊不管倚樓人獨佳約逾期肯踐夜潮放一舸來趁酒
深側帽吟寒也勝豪家爛醉雲屏金屋江城試譜偷聲句怕
略犯龜茲新曲算不如留影文窗看取畫羅十幅

探春慢

題汪芝亭桃花潭水圖

浪暖魚鱗霞蒸鴨脚川原遠近紅徧白舫猶閒青山如笑已
有酒旗風颭遙認前邨路問潭水近來淡淺尋芳想未歸來
文窗一半斜掩難忘人生知已聽岸上鬪歌密意先感采
石磯頭沈香亭畔何似水邨山店商略從君住算我亦宮袍
游倦新釀成時高歌爛醉誰管

戲餘綺語卷一

七

霓裳中序第一

陳秋堂蕉林學書卷題詞

閒來補爾雅別院梧桐微雨灑剛是園林首夏正葺影天低
蠟痕風地香姜古瓦又麥光烏几鋪乍憑吟賞蛛絲拂徧蝸
迹篆文寫窗下水天閒話賸修竹數竿低亞人閒噩夢可
怕看老去王維前生曾畫鐵生作圖金壺隨意瀉定一百碑礫比
價還應笑冷抱殘編甚日殺青也

雙雙燕

燕來筍 春晚客中憶故園風物得以下四闋

幾番潑火聽昨夜輕雷隔籬先響參差迸土穿破碧苔如掌
那忍堆槃獨享正社鷄乍開鄰釀少年最惜芳華淺醉烏衣
淡巷比似春蔥纖樣勝貓臥駢頭兒綳脫禩香泥愁洗上

有芹芽新長苦憶園林勝賞已稍拓當風窗網得知今歲櫻
筵樓上人人無恙

附前調

曹言純種水

翠釵剪綵數風味園蔬盼來良久香泥壘戶乍是去年時
候綉錦紛紛卸就又誰識評量玉瘦除非比似尖尖社日
停針織手春酒治薑儘有羨鬪罷籬翁煮殘鄰叟山廚
安配任斥油蔥菹韭愁自櫻筵散後歎巢幕生涯依舊空
竝雉尾蓴絲夢想故邨谿口

清波引

楊花銀魚

柳吹成絮渾未見綠萍凝鱗昨宵涼雨波心櫂頭聚網定干
絲否一寸天然如許是誰憐錫芳名算白小應輸汝回潮
入

撒餇荷語卷一

枉渚記當日孤艇小住不如歸去鶯脰作漁父菽乳香同煮
蓬背炊煙幾縷繫纜一帶垂楊最惜惜處

附前調

黃安濤霽靑

聽鳴榔徧依約在綠楊遠岸料應春晚連朝絮飄斷喜得
漁童報出網銀絲淩亂試來花港閒觀正唼唼白蘋滿
圓筋入饌比鱸膾風味不減水邨江店就船買尤賤調羹
愛搯手一半晶鹽細糝憶殺三月吳淞舵樓炊飯

夏初臨

麥人

吳郡立夏以新麥微炙享
搓令熟謂之麥人以佐酒

白衫衫裁黃雲隴割麥秋將雨還晴立夏時光青梅白筍朱
櫻登筵莫訝猶生費曉寒玉手搓成年年風景鮑魚網出雉
雉茸鳴兒童失喜翁媪開顏預知餅大合用羅幃冬前三

自去年曾見瓊英顚顚勻圓算除非瑟瑟盤盛念何時江湖
得歸相就魚羹元次山詩將歸就
魚麥窮老江湖邊

附前調

曹言純

雉雉初馴噎鳩早熟黃雲正捲春殘雪片勻搓影擡纖手
闌干婦姑還坐團圓最憐他翠袖雕盤妝眉樓上秋風未
來先作微寒 春來春去長定年時麴車夜夢麪市朝餐
鄉思更切禽言婆餅林端試整歸鞍怕飛蛾已上新袂待
重看雙雙臂支只恐都寬

附前調

黃安清

雉雉風前蛾飛雨後登場休過三辛病起春殘浮生又得
嘗新漫磨白雪紛紛看盤中粒粒珠傾廚爨捧出麴塵簸
了伴取孤斟 書生結習辨種應難持竿空護說餅還能

截餘綺語卷一

九

青衫潦倒尊前賦手誰尋此日櫻筵合相招枕麴劉伶料
吾徒黃羅帕封無分承恩費禱有麥賦東坡詩注今大內
當麥熟時以黃羅帕封賜百官

惜紅衣

紫荷花草

菜甲黃攙麥畦翠剗半腔初繡紫艷紅天平鋪地衣厚芳名
最好算合襯躡青鞵瘦知否陌上泥香乍清明時候 風前
雨後一簇衣香何人此攜酒春痕研妄想定坐來久記取往
時沈醉守到夕陽紅皺看牧童歸晚丫角一雙簪又

雪獅兒

杭俗清明以粉餌作狗貽至立夏食之云可祛夏
疫呼爲清明狗月璘屬余咏之

搓酥滴粉誰把烏龍青黃偷望寒食無煙搖尾知渠何處綵

絲縛住應不映桃花月午怕待到石泉榆火論功烹汝長
夏困人良苦想文園病久爲伊禳取上冢歸來黃胖泥孩同
貯嬉遊伴侶小膽怯柳邨花鳴青春暮試問寄書能否

揚州慢

寄康山諸友

水木清華亭臺窈窕此中況著吟朋有雜花如錦有酒又如
繩正吹雪鱗魚上後藥闌紅處翠裏同憑屬嬉春新句醉中
寫上吳綾江湖載酒料狀元此樂何曾也十面琵琶百番
腰鼓換了滄膺說與史半袁方子雲張子貞顧芝山想登臨
憶我還能夢飛帆來也隔江山色稜稜

琵琶仙

寄懷文叔

懽餘綺語卷一

十

淺醉微吟句留處正是春光婪尾窗外時有春風來吹一池
水況俊侶風情未減看賓主才華齊綺側帽聽鶯回波撼遂
總在花底江郎賦輕別念念對紅藥沈吟一年矣書記縱
然無恙只離情難寄還試問雲窗霧閣定有人薄攏雙鬢更
念宿雨晴時海桐開未

柳梢青

河東君小像

施粉施朱幅巾闌衷雅合稱儒柳亦號儒士白足逃禪黃緇入道

老卻尙書百年彈指須臾更省識春風畫圖紅豆花殘紅

羊劫小恨滿蘼蕪

摸魚子

汪蛟門先生少壯三好圖藏秦敦夫太史家太史

屬題

是何人持楮踞坐圖書粉黛叢裏舍人才地鴻臚筆大有六朝風味聊快意看當日羣公一一爭題字蕭郎差擬怕百尺梧桐而今愁換繞屋白楊矣平生好何止區區三事可憐少壯能幾酒闌歌罷蛾眉散老共鱖魚生死秦學士想山抹微雲此曲人能記二分月底且屏當籤廚安排錯杓容我坐中醉

西子妝

題壽生西湖訪秋詩冊

卵色浮青魚雲疊碧過了幾番涼兩柳痕煙態已疎疎記年年看秋來處長隄延伫有多少鷺儔瀝侶讓吳儂買蜻蛉一箇任風吹去君休誤此段清遊天合教領取幫腰草綠馬蹏香是當時少年情緒病懷漫與伴低唱淺斟應許屬尊前休賦悲秋秀句

水調歌頭

望湖樓

其上天如水其下水如天天容水色淥淨樓閣鏡中懸面面玲瓏窗戶更著疏疏簾子湖影澹于煙白雨忽吹散涼到白鷗邊酌寒泉薦秋菊問坡仙問君何事一去七百有餘年又問瓊樓玉宇能否羽衣吹遂乘醉賦長篇一笑我狂矣且放總宜船

清平樂

酒醒人起竹影篩窗紙薄薄羅衾涼似水第一天涯滋味柔魂不隔嚴城呢妝見也分明欲續枕函殘夢奈他一陣鴉

聲

浪淘沙

西陵晚歸

積雨淨谿沙魚尾明霞缺瓜小小趁風撈幾箇畫船歸去也
閒殺蘋花 煙靄半橫斜樹杪周遮酒旗樓角是誰家一面
駝鉤都不下人影涼些

國香慢

爲吳子修題顧橫波畫蘭扇面同壽生賦分眉生

二字爲韻

似畫修眉看不多幾筆葉葉離披秦淮煙輕粉澹自寫幽姿
想見眼波橫處便紅妝季布輸伊多情只紈扇辛苦流連露
蕊風枝 傾城惟一顧記當年雅謔仙也須迷同心句好白

馥餘綺語卷一

七

家蠻柳同時底事欲傾落墨怕夕陽紅染臙脂還應足惆悵
老去香嚴不與題詞

賣花聲

低髻約釵梁病不成妝曉痕已拭尙成行指點畫樓文杏好
歸燕淒涼 漸遠漸蒼茫鐙火漁榔暮寒想透薄羅裳只得
一鉤微月影多少思量

續樂府補題五首

霜華腴

柏子

暮林黯澹映晚江離離一樹初圓紅脫楓衣白欺梅蕊十分
綻了霜天可憐翠鈿記當時樹下門前問何人曲唱西洲荻
花蘆葉共清寒 隨意水邨山郭任漁娃打取雀豹爭喧曉

色推蓬斜陽倚櫂還驚積雪留殘綺羅畫筵化光明一霎綉
槃只愁伊易近風簾淚痕渾未乾

秋霽

澹竹葉

荒徑尋秋有一種叢篁自弄寒碧个字低分鈿花涼戰寸寸
嫩寒如滴一枝一葉傍池漫帖玲瓏石更記得池外亂飛無
數小黃蝶 除是雨過淨埽浮雲暮天蒼然如此顏色笑長
條牽牛翠浥朝來先怕日痕炙那似此君疎野格試覓籬畔
正好藥錄收時藥籠攜采露華尙溼

瑣窗寒

蝸蟻

絡緯嗁殘涼秋已到豆棚瓜架聲聲慢訴似訴夜來寒乍挂

懣餘綺語卷一

三

筠籠晚風一絲水天兒女同閒話算未應輸與金盆蟋蟀枕
甬清夜 窗罅見低亞簇幾葉瓜華露亭水榭胡盧樣小若
箇探懷堪訝笑蟲蟲自解呼名物微不用添爾雅便蛇醫分
與丹砂總露蟬同啞 京師人以胡盧貯之製極精好
藏懷中飢以丹砂可養至十月

傾杯樂

沙裏狗

沙岸潮回水邨漁聚腥風幾日催發看伊瑣細何處斷港聽
颼沙響別酒人能說未應誤讀愁他彭越濊梧試呷春酒暖
雙眼一時波活 高陽舊游星散阿誰憑寄須糝吳糟壓定
笑指尊前臆孌難擘也無腸愁絕最憶松江鱸鱸鮮佳一樣
瓶泥垢

國香慢

煙草花

小朵娟娟簇微黃澹白點綴畦邊呼龍種來瑤草疑是藍田
昔日遊蠶確蝶幾曾見如此芳妍無人解頻采薑稜芋陂一
抹秋煙 相思名字在算移根海島已幾多年花花縱好葉
葉更動人憐無分湘筠玉指倚熏鑪嗟暖吹寒風前自開落
陌上時時誤認花鈿

高陽臺

寒竹同陸祁生作

石罅苔黏池心冰膠此君尙倚高寒一片瀟湘凍雲留護珉
玕三更急霰才微響已枝枝壓近紅闌小檀欒花戶油窗密
坐聽殘 回思上番移栽後迸春雷幾處膩粉初乾燒筍年
光忿忿又近椒檠蘆簾紙閣朝曦暖惹檐前雀啁爭喧翦冰

懺餘綺語卷一

十四

紉玉茗黃梅畫與君看

採春

次韻曹種水見贈卽題其儼古諸集

飛雪羣山翦江十幅天涯寒羽先倦萬貫纏輕二分月冷笑
殺文章錦片除是同心侶解說與多愁多感彈來促柱危弦
是誰呼起箏雁 子建華年晚晚算甲子雌雄眞合愁伴鳥
窮低蓬蠟釘刻燭短棹何時同返閒儼江淹體更試看柔豪
頻染到及春前寒梅無數開亂

原詞

曹言純

塵外誅茆病餘求艾文園初賦遊倦古道羊車曉裝駝褐
還惹霜華雪片方是殘年了怎忍得空江離感勝聲搖曳
沙頭幾羣南去飛雁 卻笑相逢未晚有折腳鐺邊叉手

吟伴冰柱銷愁月橋乘興莫似山陰輕返何遜風流筆待
準擬官梅香染信入鏡花霏霏春意凌亂

清平樂

繡鳳仕女

低鬟斜彈淺研吳綾妥喚作針神應也可一口紅霞濃唾

秦樓煙月微茫當年有箇蕭郎到底神仙堪羨等閒不繡鴛

鴛

洞仙歌

曹種水水南邨舍圖

谿雲罨畫住人家三兩時見當門曬漁網聽漁歌唱罷有讀

書聲臨水處面面軒窗齊敞農家魏塘屋水竹之間占取

茆堂一分廣支港曲通船乘興能來儘緩打樵青雙槩奈一

懺餘荷語卷一

五

笑相逢各天涯總讓與閒鷗作煙波長

祝英臺近

題孫華海惜花春起早卷子

繡簾垂瑤戶悄幽夢爲誰覺不裏頭巾幾徧曲闌繞趁他人

柳猶眠海棠未醒儘消受月殘風曉問曉鳥昨夜風雨何

會已有落紅了莫是紅閨偷折數枝好試看香徑蒼苔露華

濃處怕先印蹙羅痕小

菩薩蠻

顧升山畫蔬果十五種

東風欲破苔痕綠輕雷一夜驚蒼玉時節近櫻廚何人餉老

夫新譜滄玉訣小點吳鹽白又是焙茶天山家處處煙

何料又

廢畦荒圃流泉泣一檐斜日鄰翁灌頓頓食花猶還須略配
渠 五湖煙水好可惜英雄老回首換年華春風雪白花蘿

又

當筵脫手金丸小蜂黃易著麻姑爪斜日洞庭帆也應喚橘
官 重來門巷改一樹垂垂在記得雪成團枝頭黃雀寒杷

又

清霜初點黃花瓦兔豪圓瓊檀雲藉香遠坐來微量沙淺護
伊 形容殊魁壘卻笑豐肌膩小益載根株誰傳種樹書香

又

一繩界破秋痕澹荒蕪野蕩波流漫坐箇小漁娃船身如缺
瓜 水天閒話處隱語相爾汝要見玉玲瓏紅衣褪一重水紅

又

懺餘綺語卷一

六

粉痕不掩梨雲凍金盤素手投來重薄汗拭輕容有人雙頰
紅 甜香午枕透卯酒初醒後酒醒夢揚州揚州舊酒樓木

又

蝸牛廬外連畦紫擔頭壓處喧朝市一笑謝廚爨飽嘗風露
香 當時花滿地色與輕衫似轉眼又秋光悠揚小蝶黃茄

又

平生不負然糠火園收山棗同珍果隔岸有高荷秋來涼雨
多 岷峨殊遠在那不陂塘買生計更疏蕪今年飯豆無芋

又

紅衣落盡星星見刺凌圓芡看都賤最好晚涼天賣時搖近
船 西湖秋老處唱徹雙鬟女莫道苦心多空房還柰何蓮

又

森森鶴頂愁，輕觸臂支起。粟皺紅玉結，夏記山房微風淡。鴨涼，指痕留一捻，怕向鮫綃浥。越女雪肌膚，問郎曾見無。梅

又

青房已拆珍珠罅，金環臺榭。吹初夏冰齒，瓠犀寒芳名原帶酸。檀郎閒調笑，多子憐渠好。低首入房櫳，一方幫袂紅。石梅

又

平疇子母迎朝日，東陵別見新標格。破處幾沈吟，可憐碧玉名。水天同夜話，逆鼻香無價。插竹看登筵，星期又一年。香瓜

又

紛紛誰見紅鹽墮，春槃常伴蘋婆果。吹氣本如蘭，非關一蕊含。酒醒添病渴，記取投時節。纖核教還他，夜燈看作花。橄欖

又

懺餘綺語卷一

七

題痕一抹紅霞暈，吳孃小擘春纖嫩。結子太恩恩，關心昨夜風。瑤池開落後，海底仙人瘦。青雀倘飛還，因緣見阿環。桃子

又

短籬瘦竹欹斜挂，一棚慣響疎疎雨。低戰數枝花，秋來絡緯家。其湯煎太急，飽嚼珠明月。小坐晚風涼，涼盲翁正作場。扁豆

賣花聲

題思未酒醒聽詩小照

桐葉碧悄悄，小院輕陰。月痕澹照第三廳。貪卷疎簾風露下，不點秋鐙。樓閣對高稜，招手還鷹。夜涼乘興我來能。酒半詩成慵不寫，念與君聽。

又

題孫碧梧女士湘筠館樂府

小院碧雲停花又淡淡舊時珍伴共閒庭誰記迷藏花下事
蛺蝶蜻蜓斑管費沈吟哀怨湘靈一弦一柱最悖悖彈盡
明光三十段知有誰聽

喝火令

許王年有黃門之悼賦情悽戾自寫遺像屬題秀
芬女士一詞最工輒同其調

鶴舞吳門市鵲唳湖上墳小桃生命短二春腸斷蕭郎詩句
三月十三辰墮馬鬟猶擁回鸞鏡易分殷勤留取卷中人
且與題詞且與焚香熏且與夜淡人靜醞酒喚眞眞

懺餘綺語卷一終

懺餘綺語卷一

懺餘綺語卷二 辨說類

吳江郭麐祥伯著
仁和許增邁孫刊

暗香

魂

玉如喚月怕等閒忘卻前生瑤闕鶴背夜寒此際千山萬山
雪誰覓胡香四兩空留得香桃如骨試問與舊日孤山疎影
一時活 嗚咽古訣絕便碎翦紙花記得時節故鄉一髮江
水茫茫恁飛越判使巫咸不下央素女低徊潛說但只恐相
見也黯然又別

疎影

夢

懺餘綺語卷二

一

今生已矣又見來脈脈鐙背屏底道是相逢卻又無言情情
自搵清淚茫茫味味怱怱極尙病裏歇歇情味算向時怨緒
歡情歷歷只還如此 只是吳根越角一千二百里芳草無
際澹月微茫萬瓦參差那認荒荒園子真教不隔人天路也
勝似一生顛顛說與伊休返蓬山洞戶悄然雙閉截一髮五
高陽臺
題樂元淑煙夢詞
荷露圓珠蘭風回雪空留名字堪憐才刻茗華不知玉已如
煙方塘無數田田葉問青泥何苦生蓮擘吟牋有客西江愁
滿歸船 年來同抱司勳感算傷春刻意不似今年芳草西
陵爲誰澆酒花前人閒只有三分月恨二分多照重泉又淒
然一个流鶯相伴呢鶻

又

丙寅七夕

織月藏鈞羅雲學水夜涼又是星期竹插瓜分當年一味嬌
癡笑他地久天長意換絲絲此恨無時又誰知天上人間薄
命如斯星沈海底繩河遠話穿鍼心痛擘鉤眉低點點流
螢飛來還坐人衣想應低度紅牆過見妝樓網徧蛛絲可憐
伊未卜他生不算相思

卜算子

微雨溼苔痕階下秋花滿有箇階前顚顚人病起和伊看
又是一番秋只是無腸斷留得當年顚顚人也不恨天涯遠

臺城路

爲江子屏題蟬柳畫扇

懣餘荷語卷二

二

世閒何限秋風客哀吟爾偏淒緊灞岸魂銷齊宮夢斷點入
輕羅小景纖纖瘦影照病葉殘枝抱來難定寂莫羈人平蕪
千里故園冷乘鸞秦女底處網蟲從徧了空認雙鬢脫後
仙衣妝餘寶鈿一掬漂零誰省嗁雅露井只落葉聲中獨歎
孤枕欲訴琴心暗塵埋廢軫

夜合花

見玉簪花有作

雨浥茗英風彫荔萼感秋秋思頻添牆陰瞥見枝枝小玉排
籤露痕泣日痕遲只多情低照涼蟾更無人肯苔階溼徧來
搯春纖尋常粉印先霑付與冰簷淺貶素手輕拈薄寒漸
緊些時尚未開簾雲鬢重蜜犀嫌記當時一味慊慊最難忘
是通頭過了驀到前檐

摸魚子

樗園客感

任惜惜竹陰滿院苔痕長自疑雨回廊小徑無人到坐過一番闌暑秋又暮便早有寒蠶四壁催機杼羈懷何苦付破研淡杯微吟淺醉元髮變衰素江湖約負了銅駝俊侶蕪城枉說能賦文章信美功名薄已誤昔年小杜休再誤問買取扁舟一棹歸何處滄洲紅樹認小小柴門門前秋水幾箇舊漚鷺

浪淘沙

歸燕已差參何處疎礎天涯蕉萃旅人心開到芙蓉無限好只是秋淡推枕起沈吟小簾輕衾楓根可柰薄寒侵又是一宵檐外雨到曉沈沈

戰餘綺語卷二

三

點絳脣

病酒心情亂愁壓夢濃於酒曉雅聲騷一晌歡情勾枕上嗟痕覺後依然有還知否蚊蟻如舊少箇拳慵手

高陽臺

水盼凝秋煙眉鎖恨披圖那不神傷水精簾卷犀梳猶帶餘香畫工縱識春風面任調鉛寫出愁腸記年時錦瑟桃鬟都似伊長尋常一晌閒言語到如今總費幾徧思量百就千攔自家暗減容光潮痕兩頰生朝暈恨當初薄有疎狂祝秋墳休長薜蘿怕上牛羊

金縷曲

席上贈阿許

燭暈華筵半怪琵琶抱來不正聲聲悽怨座上飛瓊傳姓字

會識舊家仙眷量十斛珍珠偷換過眼穠華昏似夢賸流鶯
老去嗁秋苑垂玉筍淚痕滿天涯有客停杯歎算入間古
來多少桃笙團扇失路才人孤憤客一例青衫淪賤只哀樂
中年難遣試琢新詞能譜否怕一聲裂帛鴟茲斷將進酒莫
辭勸

祝英臺近

髻堆鴉眉學字未滿十三四綽約春風先解折花戲不妨樓
下迷藏尊前捉搦總同在曲屏風底夜來起不知誰殺殘
鏡小膽被濃睡嬌極鸚哥偏管隔簾事奈他澹月縈窗暗螢
穿戶又悄地逗人懷裏

又

湖繩河遵在渚別權理南浦挑盡蘭釭夜夜淡語分明月

懣餘綺語卷二

四

魄沈輝霜華催曉坐一對素娥青女送人去還要芳草長
隄同印小蓮步蹙繡香輿淚隔碧紗雨記否寶石山腰亭亭
白堊是第一度分攜處

又

玉鞭迴鈿尺近幽壺逼香潤作意生疏比似舊時省只憐已
隔紅牆牆東月上都不是那般花影曉妝竟聞來還伴緜
書喚坐喜邊肯出匣冰圓認是內家鏡偷看荷背翩翻鴛情
顛倒又無語頰潮紅暈

又

楚妃愁湘女怨溪卷舊巢換玳瑁梁間海燕占來半生憎
片簾衣不風不雨但鎮日周遮人面有時見也只倦繡停
鍼妝罷響金釧多謝好風夜靜送刀剪如何葉葉花花相當

相對只遣隔中門雙扇

又

鬱琴心寬帶眼薄病得伊感銀鹿青猿那肯夜淡伴難忘窗
網將明瓶笙猶響燈影裏翠眉微倦 五更短暗祝海水添
他玉漏一宵緩此後關心私語有時敢不防六幅仙裙留他
未穩早已是皺痕都滿

又

玉壺迎金憤駕催赴紫鴛社瓊姊蘭姨遽別詎能捨料他月
榭修眉雪衾擁背全不記夢殘香燭 報歸也聽說多病文
園玉骨不盈把一笑憑肩青鳥信音假可應翦燭溫存圍鑪
暖熱且償我鄉來長夜

又

懺餘綺語卷二

五

檢香篝搗畫燭衣潤怕梅溽初試生綃無力出新浴殷勤半
殘春醪祝花長命渾不料霎時積玉 忍輕觸爲怕窗隙風
尖容易颭裙幅斜掩金鋪小犬吠花獨可憐從此心忪斷無
人處誤幾徧拂簾蝙蝠

又

腕闌鬆眉黛結幽恨幾曾泄冰雪心腸肯怕隴鸚舌更煩小
玉眠時輕綃去後留一點闌人明月 太癡絕假饒長夜如
年曉色慘將別守定熏鑪坐到滿鑪雪尙憎阿母朝來梳頭
喚起已亭角夕陽紅抹

又

月圓初鏡落後佳約敢輕負笑拂征衫春雪點衣厚儘教女
伴猜疑小眉秀靨都不似向時僂僂 定來否人生如月華

年一缺那能又千徧沈吟三字莫須有請看束竹回腸香桃
瘦骨換幾點裏邊紅豆

又

斷魂驚殘夢惡花事到紅藥中酒傷春比似去年弱無端半
幅蒲帆一聲杜宇又催去水邨山郭笑騎鶴明月原只三
分都應照離索小杜年來何忍更輕薄惟餘叩叩香囊藏來
肘後待相見替伊親絡

又

雁飛遲人病早幾度促征棹誰料長卿石井掩秋草負他密
字蠶眠芝泥鴻印空望徧片帆煙杪鴉媒巧肯信不嫁娉
婷已分十年了何用錢刀刻意媚翁媪還虧百斛量珠一雙
種玉也博得傾城微笑

纖餘綺語卷二

六

又

蓮香臺移鏡檻六扇小屏展研匣鍼箱分半匙來滿那時賣
賦金多爐頭價貴也未要鸚鵡頻典意淡淺試將酒卜郎
心寒宵倩伊暖夜冷杯殘一霎近人散而今淒絕天涯醒然
無寐便有酒也無人勸

又

倩風姨憐月上珠露記承掌認取前因此意料無恙驚心子
夜歡聞同聲婉轉已變了回波詞唱漫惻悵人閒幾个尹
邢蛾眉肯相讓畫裏櫻桃愁裏小蠻樣尙憐鏡鵲同開釵蟲
對剔還略似舊時情況

又

藥鑪煙相對裊淡院晚風峭塵滿葦華一月幾曾照愁他罽

枕香雲釵扶不起又何論遠山蛾埽 夢顛倒尋常銀液犀
株不鎮暗魔嬈雛樣青衣所事被花惱關心嬌喘沈時暗眸
迴處怕莫又喚江郎覺

又

掩啼珠扶瘦玉喚渡曲江曲縞袂纖鞋腰細不勝東枉教疑
作江妃淩波解解佩誰信有亂愁千斛 在空谷無奈日暮天
寒零落去華屋紅鬼西陵夜雨杜鵑哭傷心逝水滔滔當時
同渡卻雙槳歸來人獨

又

事三生魂一縷此錯幾州鑄肯放扁舟若箇勸無渡倘教玉
在懷投香和心蕪萬一把遊仙留住 恁來去爲甚清吹聲
中都無片言語尋到荒山風急又兼雨斷腸點點青苔方方
黃土又埋了一家嬌女

又

短檠昏淡院閉簾影黑垂地小擘吟箋暗記夢中事可憐放
筆聲中挑鐙影裏還認有箇人無睡 應難記縱饒記得星
星有頭也無尾自恨從前恩怨總輕視判將一寸絲腸一宵
霜鬢報幾番去 唾壺紅淚

采桑子

尋常侍寢更衣處鐙影紗籠羅幕重重略近前時而發紅
月明雨落無人覺侍婢都慵裙褶惺忪香棗何勞問石崇

卜算子

階下綠苔薇架上紅鸚鵡忘却窺簾尙有人攜手潛來去
輕試踏青鞵暗躡凌波步不道回頭別有人信口相儂汝

意難忘

箏語琴言約羊燈照影鳳紙傳牋天穿逢令節月滿記芳年
人定後夢來前難道玉如煙正峭寒春風催曉紅淚涓涓
輕綃製就中單認蠶黃蝶粉花落先黏鶻嗁留恨血懶隨助
香癡金篋鎖鈿筐緘珍重一春殘肯並他綠羅裙帶水上同
游

更漏子

杜蘭香蕙弄玉一例仙家眷屬錦瑟短玉簫長何曾作鬢忙
月娥娥花醋醋時節近來重五沈醉後錯相呼畫簾聞鷓
鴒

洞仙歌

初三下七愛共蘭姨戲二八華年滿除四拜鉞神修笛譜步
步教隨婉婉甚也算齊心耦意揚蛾憎眾女謠詠紛紛池
水千卿定何事聯臂舊時歌變了歡間重來後贏得大家顛
顛若不是當年見猶憐肯繡被分教伴鴛鴦睡

河傳

花顛鏡淺移來屈戍小屏淡掩屏閒瀟瀟一雙栖東西兩頭
蓮葉齊麝熏未肯閒孤鳳梨雲凍好做同牀夢夢恩悵帳
重重芙蓉淡紅和淺紅

沁園春

無分今生何似當初相逢漠然卻難鶯乳燕見伊小日飛花
落絮送我中年玉淚珠嗁紅愁綠慘便是無情亦可憐誰知
是有心頭暗恨記也難全那回款語鏡前似密意淡情略
爲傳道枝名連理種原無地禽名共命修到生天三素雲輕

六銖衣薄定在寒簧瘦影邊還能否撥齊煙九點來照孤眠
行香子

子貞月夜登小香雪亭作畫屬賦

孤榜清遊烏帽籠頭問招來幾箇閒瀝沿河撥棹窈窕尋邱
有三分水二分月一分秋平生最憶探梅踏雪虎山橋楹
影香浮而今重到怕減風流少舊時人舊時月舊時愁

霜天曉角

題吟香女子小影

綠萼開些拓當風畫紗空地退紅衫薄恐小立冷於花 鴉
又新挂他問姍姍是邪說與吾家窗下有竹外一枝斜

湘月

題子屏填詞圖

纖餘綺語卷二

九

石牀茉莉正蕉陰綠暗雨過如沐漸入涼秋合料理舊日哀
絲豪竹鬢影琴邊箭修月底試與同聲讀江郎宮體譜來總
是新曲憶否小住名園偷聲減字刻尊前紅燭協律微茫
怕誤了多少詞流毫禿滑笏賤長翻香令小薄有花閒福何
時歸去記歌念取人獨

桂枝香

中秋有感

姮娥不嫁問終古淒涼可記長夜未必青天碧海便無情者
一年十二回員闕恁今宵淚痕盈把那堪還又歌闌人散夢
殘燈地想妝閣夜香燒罷看珠斗闌干檐角低挂有日雲
鬢霧鬢照伊清話人閒小別何須恨恨沈沈青楓根下步虛
聲斷霓裳曲破此生休也

玲瓏四犯

五年以元人雁宿蘆花雅宿樹各分一半夕陽歸
句爲圖極蕭寒清遠之致爲題此解

樹老易風蘆荒疑雪江邨物候初冷夕陽無限好又是黃昏
近昏昏四山做暝但催他亂雅成陣更著蒼茫一行征雁嘹
唳助淒緊天涯孤客閒省記芙蓉根振花沙背維艇小奴驚
欲起點墨濃初定江湖有夢何曾熟算還是眠鷗差穩笑指
橈頭船問載歸定肯

綺羅香

姑嫂餅

屑麪輕勻搓酥滑潤傳自香閨新製樣學桃花小印脂痕紅
膩想曉趁憂金時光正嬌伴扶牀年紀全不防腸斷行人垂
涎先在下風矣橋梁臨水堪認道是蔣家妹小食單親試
作罷羹湯纖手入厨重洗笑曲譙畫地虛名愛齧脣頰椒風
味莫教恁說與彭郎況甯王宅裏

桂枝香

屠墳秋烏

荒林落照認宰樹蒼茫一羣驚噪纖繳鳴弦已有弋人尋到
陶邨馬曠披絲好算總輸酒邊風調蜀薑鳴釜吳鹽點雪櫛
瓶開了問何事輕離海嶠有滌衣同戲紅椒堪飽萬里頭
顛來博尊前人笑雲羅滿地西風早想江湖羈囿多少料應
夢斷蠻天一角暮煙孤烏

雪獅兒

若玉女士輯銜蟬錄隸事極博高邁庵爲作子母

荷蟬圖索題此解

粧樓記就知是無聊深沈院宇側輶橫眠亭畔花陰剛午繡
塾小住誰教見花奴戲舞更貌出薄荷耐後雙睛圓處 門
外珊瑚休去儘香溫茶熟小名錄取箬裹青鹽差有殘書煩
護癡兒駭女笑一例蠹魚箋注應知否合伴畫檐鸚鵡

長亭怨慢

瞿花農分司相見西湖出王蓬心太守漢臯贈別
圖見示有二娛題詞輒依韻倚聲

笑又是閒雲離岫西子湖邊相逢柸酒漢上襟題回頭已是
廿年舊漫郎渾漫應未要稱聲叟對畫裏江山話昔日回颿
風候 還試問吳根越角可以武昌樊口扁舟容與且消遣
雨僂風憊趁嬉春老鐵能狂煩鑪畔諸公屯守指點傍西冷
一
截餘綺語卷二

一帶青青新柳

柳色黃

於越中買新鷺一雙戲爲詠之

曇礮邨邊春水方生短襪初逼書生家具無多隨意一籠攜
得滄波亂眼送人千里歸來門前新柳嬌黃極還怕惱比鄰
浴那家池側 無力鷗羣閒趁曬翅魚梁伴他鷓鴣老矣傭
書不羨東堂行劄小樓臨水難忘雙髻樓頭排成玉管參差
立彷彿凭闌千見袖羅顏色

乳燕飛

送蔣添初之臨川

一例天涯客怪相逢推襟送抱似曾相識西子湖頭長安道
十載恍同遊跡偏勞燕差池雙翼不信將軍門下見有此君

蠻語余長揖同握手章江側 齊年四十初過一看紛紛當時同學輕肥顏色雁鷺行中紙尾署也勝白頭射策便詞列三王何益玉苔堂前煩問訊屬海雲留取通仙笛曲有誤願應得

水龍吟

江右旅館喜雨

疏疏幾陣涼颺颯然便送敲窗雨樹梢流響草頭顫影霎時無暑一片濃陰多應來自西山南浦料天公也厭炎官火織怕困損人羈旅惜少高荷大芋展桃笙醉眠聽取紅綃初浴碧簪斜墜枕痕留午小扇輕衫知他此際倚闌何處向畫屏十幅瀟湘天遠夢尋伊去

浣溪紗

懺餘綺語卷二

三

奇內

一別無端半載強輕船三版整歸裝可憐蓬背已微霜 月榭鎖魚鯉永夜風簾蠟鳳淚雙行不成還道不思量

疏影

燭淚

珠淚玉泣向畫筵深夜相對愁絕今世紅紅宿世蟲蟲生平最惜離別風簾露席隨升降判滴滴爛爛銀荷葉算芳心未是灰時肯怕界殘紅頰便與籠紗護取也應護不到將地時節苦憶高樓網戶瞳矓照見粉痕明滅羅襦低解聞蕪澤有誰問堦前堆積只淒然擁髻人人愁浣石榴裙褶

憶舊遊

酒帘

記絲楊漸暗文杏初明一見關心似與東風約看斜斜颭颭
先得春情隨意水邨山郭倦旅爲伊停正解佩人來提壺鳥
喚好箇旗亭阻風原不恨恨俊侶高陽多半漂零還向壚
頭去認低窗高柳是處曾經只是風前半幅不似舊時青試
問立平橋前谿煙雨深未深

聲聲慢

闌干

苔堦恨淺竹迳嫌深虧伊屈曲周遮背手微行湘痕紅出明
霞沈吟碧城十二問那邊庭院誰家閒付與瓊瓏澹月低亞
疏花嘗恨當時夢裏枉等閒敲徧沒處尋他歸去念忿斷
腸一角天涯幾番畫廊癡立認有人鞞衷來耶渾不見但文
窗深掩絳紗

纖餘綺語卷二

十三

如此江山

香篆

何人斜掩屏山六簾衣又深深下小炷微紅輕絲漸裊靜看
縈窗尋罅尖風易惹恨剛結心同又吹煙炮一縷柔腸分明
宛轉爲伊畫前菴水上猶記博山爐俱過前約都謝羅帶
輕分銀槃愁寄難翦夢雲盈把熏籠倚罷對鏡影離離悄無
言者手撥餘灰隔窗梅雨灑

小樓連苑

簾波用蘭邨韻

後堂前閣空明最深深處溶溶地龜紋半蹙駝鉤不上一絲
風細月地雲搖苔堦潮轉欲垂還起怪驕猶睡醒離離鬟行到
都驚道花枝碎隔著樓頭廊底幾曾隔粉香脂膩只是陳

王通辭難託湘雲
湘水便有時開見
伊宰地畫翥斜曳總生
憐俊眼將流
流不出相思字

風蝶令

和湘霞韻三首

煙視雙行近
蘭情一見稀
入懷嬌鳥向人依
只覺愁多意重
語言微
手裏題詩筆
牀前織錦機
蘇嬈謝女是耶非
難忘
一鏡明處兩眉飛

又

漂泊年華小
周防用意深
鴛鴦翡翠定珍禽
誰信單棲無侶
到而今
湘影重簾認
霞光斷臉尋
兩頭翳帶盡同心
知否
一尊相屬意千金

又

幟餘綺語卷二

十四

誓恐旁人聽
情原我輩鍾
別時莫恨太匆匆
肯許名花移入
別家紅
病定春來較
人終月下逢
祝他二十四番風
取次
送將帆葉五湖東

買陂塘

十二月五日三衢道中

怪吳船看來
葉小載人愁
重如許阻風聽水
年年慣不似者
番淒楚
臨別語約消夏
筵開定不過闌暑
歸期屢誤又二九
時光一千里
客未半到家路
閒情賦更惹
新來怨緒故鄉
鷓鴣相遇
遠山不作念
念別肯作鏡中眉
嫵語更苦怕病蕊
嬌花難待春風
主亂帆無數誰
信有中閒烏篷一扇
兩地夢
來去

夜合花

鐙花寄湘霞

善恨蟲嬾含情蠻女多生半是嗟痕相思一寸灰心又長情
根玉釵冷玉荷溫囑羅鬟掩上重門只愁無睡對伊絮語銷
盡癡魂 江湖孤冷誰親多謝一尊酒深相伴溫存殷勤低
祝並頭開出蘭蓀有何事報伊聞道歸人已近家邨不知今
後照他擁髻幾箇黃昏

一枝春

王清閨女史畫簪花仕女用草窗韻

一鏡春痕誰喚起多分敲窗微雨心期細數殘夢恨無頭緒
幽蘭空谷渾不省杏愁梅嫵但折來認取同心又惹兩眉愁
聚 年時送人行處記新梳叢鬢嬌歌金縷眉山漸遠十樣
畫圖誰譜菱花側背料怕有箇中人如還怕有雛鳳釵頭聽

幟餘綺語卷二

五

人小語

醉太平

石敦夫曉風殘月行看子

曉山欲青曉煙未橫一帆早挂郵亭問何人曉行 蓉城曼
卿屯田柳生一生幾箇黃昏又今宵酒醒

疏影

惺泉浮香樓圖余舊爲作序并詩今相見於吳門

正當梅花時欲歸未得復爲倚聲作此不知有慨

於中也

生香活色記舊會相約短棹遊歷認是西溪千樹梅花無人
管領煙月故家臺榭知何處有野鶴暫歸能說見當時二老
風流閒倚畫欄清絕 同向江湖流浪欲歸那便肯如此蹤

跡江北江南銅井銅坑過了試花時節人生但有三間屋便無地種梅也得問何時深閉柴門臥穩故山風雪

買陂塘

爲莊棻堂題其尊甫遺照同二娛調

好煙波憑誰買斷魚陂千石潏泱四先生里家園在隨意卜居無恙濠濮想便不載笭箬也號谿翁長綸竿一丈已付與兒郎釣鼈身手老子任疏放 人間世齊物養生都妄騎驢人又長往披圖不見南華叟秋水拍天新漲添悵惘恨惠子來遲無與微言賞孫枝競爽看石上珊瑚掌中海月次第出絲網

瑣窗寒

寓齋窗閒見金絲花架一股知爲閨中物先是此

懺餘綺語卷二

十六

閒彩雲會駐凝想芳澤雜以遐思邀楊浣鄰同作花落辭枝珠空賸匣是誰留取粉褪香銷轉更殢人淒楚想當時曉涼妝罷小鬟纖手穿無數有紅絨替約素馨分配鏡臺斜覷 人去彩雲駐向花戶油窗拾來愁緒金絲幾縷也還勝同心釵股得知他又側著髻兒明珠翠羽遊何處鎮無慘細撚閒吟背鏡深夜語

唐多令

卷簾仕女

鈿盒掩香籤金甌露玉纖想妝成初到前檐驀地回頭思舊夢渾不似昨矜嚴 小院曉風尖羅衣卸又添記當時總恁懶懶留得小脣和秀鬢判長隔一重簾

憶舊遊

題澹蕪與鷗爲客圖用夢窗體

此生何所似似鳧雁啞啞水爲家江湖夢偏穩青山斷處一
片圓沙著箇風標公子海客肯來耶問如此陂塘定應相識
莫又天涯芙蓉好湖水儘烏榜洞沿白袷欹斜欲逐鷓鴣
去有雲羅萬里界住明霞松陵舊盟寒未雙鬢已鬢髻且與
醉西湖水仙廟外開蓼花

高陽臺

文孝坊偏百弓地小舊家容易逕流叢桂山邊淮南雞犬曾
留營門細柳如絲碧記攀條才拂人頭更移舟黃胖泥孩閒
語春遊前塵如夢都難忘況鶯殘楚雨想到秦樓去燕空
梁此中無限春愁而今零落知何處對孤山夜月香浮肯歸
休一幅生綃環佩聞不

櫺餘綺語卷二

七

月華清

靈芬館前晚桂一株已染未華夕露晨飈傾仗良
久念將遠遊恐不能待詞以催之

簾卷涼天葉明月地當時試花曾賦偃蹇淹留略與小山爲
主數年來幾度中秋已半付天涯羈旅容與待寒金粟綴嫩
黃蜂注爲底銀屏深悄費似水尖風似珠涼露寂寞姮娥
愁損葉兒眉嫵想夜來碧海青天定見我舊叢延之知否便
能簪鬢髮鏡霜如許

洞仙歌

題高穎樓孫秀芬額粉庵聯吟卷

有情天上住一雙珍偶才膠冰絲玉琴奏看琉璃匣放玳瑁
簾開新妝竟更費侍兒纖手芙蓉當霧夕得意何郎卻扇

詩篇在人口竝坐擘蠻牋如鏡湖湖照夢裏筆花開又怕額
上粉痕未曾乾早羅韞花陰一詞先就

買陂塘

富陽道中見烏桕新霜青紅相閒山水暎發帆檣
泖沿斷岸野屋皆入圖繪竟日賞翫不足詞以寫
之

繞清江一重一掩高低總入明鏡青要小試嬋娟手點得疏
林妝靚紅不定襯初日明霞斜日餘霞暎風帆煙艇儘悶拓
窗櫺斜欹巾帽相對醉顏冷 桐江道兩度沿緣能認者回
剛及霜訊蕭閒鷗侶風標鷺笑我鬢絲飄影風一陣怕落葉
漫空埋卻尋幽徑歸來重省有萬木號風千山積雪物候更
淒緊

憶舊遊

六

嚴灘道中借壽生同坐船頭倚聲歌此幾欲令四

山皆響也

正風開帆葉雲擁山根又逆奔瀧合沓羣峰出似千屯冀馬
高步臨江江水彎環碧玉流影去淙淙算如此江山舊曾相
識者箇吳艤 船聽喜同眺問畸士東京遺老南邦突兀高
臺外賸紅衣一樹楓臥空腔睇髮披裘都往斜日下漁叟但
極目寒煙滄波白鳥飛一雙

菩薩蠻

鄰舟有見

衫痕翦取秋江碧袖羅紅繡雙鸂鶒山遠澹微茫蛾眉滿鏡
長 爲誰同作客愁水愁風極野泊不勝寒錦衾斑復斑

行香子

安仁道中

灘緩波柔雲薄風收小春天客卸征裘斂舫一曲聽我吳謳
正雁南飛山北折水西流白鷺汀洲黃葉沙頭比江鄉一
樣清幽他時歸老若此何求只要山田要水碓要漁舟

洞仙歌

爲歲園題女郎三喜小影

毘藍風緊墮諸天花蕊三界人天共懽喜正華年月滿薄命
雲輕珠一顆剛照弄珠樓底東湖流不盡香艸相思有箇
離騷舊苗裔佳約踐難期一幅生綃倩留取畫蟬雙髻記桃
葉儂會渡頭逢要寄與東風那時衣袂

月華清

幟餘綺語卷二

九

題蘭邨倉山話月圖

水閣鐙殘地樓鈴語一丸涼月初滿幾箇秋人坐得六朝山
澹只消他隨分翠尊且話取露濃風軟三歎記昔年幫屐風
流雲散尚有彭宣老去蓉裳指是處亭臺那時弦管重譜
霓裳也恐羽移宮換料素娥不解窺人定未識少年清婉歸
晚怕故山猿鶴恁啼幽怨

賣花聲

莫愁湖煠泛圖

遠水淨員沙樓隱紅霞石城艇子小能擘開向六朝山影裏
去采蘋花衰柳幾絲斜風帽低遮舊時俊侶各天涯何似
鬱金堂上燕長傍盧家

紅情

蘭雪蓮花博士圖爲浹春女史作

花爲四壁看水雲砌就琉璃宮闕有箇玉人顏色與花略無
別吹皺平池萬漾教先向春波偷立笑隔浦卅六鴛鴦癡如
定愁絕 鄉國去未決且小住橫塘並蒂雙折鷺渥伴侶半
面頻闕也應得何似南園老去認照影鷺鴻都隔待樂府題
補了聽伊壓笛

懺餘綺語卷二

子

